



解州全志卷之十四 本州

藝文

重修州治記

解之為地著名於晉而成邑於秦至五代後漢始改為

州統五縣環地幾六百里古公侯之封國不是過也宏

治丁巳程侯由汾守解開篆之後視其公廨穿漏圯傾

且規度卑隘不足以壯觀瞻而施政治今歲乃謀修建

之凡法所宜有者若治廳儀門幕宇吏舍之類開曠基

址加置楹礎一轍維新材木伐其在山金帛贖於在刑

人力役乎在官者不三浹旬而厥功告成民不勞擾由

解州全志

卷之十四

本州

藝文

一

是四望宏敞突然高拔而煥然改觀矣解學諸廣文多

侯之功而司訓曾子正不遠百里來蒲介大學生口致

用屬言記之以余知侯者仰惟聖天子臨御天下挈土

地人民而付與守令焉者豈私於守令哉守令之設制

度必有解宇豈徒飾為觀美之具哉其職務之專豈止

於督賦稅聽訟獄而已哉且州之所處有統有屬凡問

於上刑於下者或一夫失乎情愆於理將大者求其罪

小者效其尤豈不有以撓吾之治哉是為守令者不易

治其職而州守之職其尤難治也歟為治有道也道得

於心而施於政則其治不難矣其要在修身也安民也



忠君也舉三者之要而盡之爲治未有易於此者矣然  
事之接續無窮而紛拏易惑時之遷變無定而從違難  
拘君子之治本諸身必直其氣不屈於勢主義以制事  
因時而求中則其接續者易應紛拏者易解故所與從  
之必民之所好也所與違之必民之所惡也夫以好惡  
爲從違而未嘗與之拂是其仁愛之實在朝廷不得親  
布之而守令以分惠之必安乎下以忠於上而思拏與  
之重爲不負視出治之所爲無愧則愛民之道得矣亦  
何有於本末之偏舉而統屬之相戾哉若侯其能致治  
者侯名觀字□□寧陽人發身科目始正教蒲庠旣尹  
解州全志

卷之十四

木州 藝文

二

廣靈守汾陽其文章道誼之高剛介幹能之實爲山右  
稱首蓋有本者宜受超格之陟今之解凡俗有不便事  
有不治者若學校城池之屬奸弊強暴之類次第興除  
之亦無異於廣汾故凡三月而內臺出按山西者以羔  
幣樽酒相勞之日操持無玷撫字有方則爲學能立其  
體爲政能達於用其事可書也而別有傳記具載諸廣  
文以侯修建之大治理之善欲同垂於久遠俾後人之  
爲解者視之不惟知侯之興作而解衙得繼葺於無窮  
必皆思侯之功績而解民得受惠於無窮未必不由今  
日之所致也故寓以治道而樂爲記之云時宏治十一

年戊午冬十月之吉

重修解州城記

韓文

正德庚午秋古汲李公文敏字惟聰陞守解凡政有裨  
補者輒急於舉行士勸於習民安於業未幾畿甸草寇  
竊發延蔓至數千餘人縱橫真保及山東河南等郡縣  
搶殺攻圍燬官民屋宇越明年勢滋熾由景德而南轉  
掠山西徑趨翼城相距本郡僅百里許公乃繕城浚濠  
募力士設武備嚴號令明賞罰與民守之以死自誓盜  
聞遂北遁不敢犯而一郡保無他虞一日公召士大夫  
並耆宿語之曰邦本莫先於民而衛民莫先於城嘗考  
諸郡志州城創自先元迄今逾二百年矣風雨飄損雉  
堞傾圯且規制低薄不堪保障邇者羣盜壓境聞風遠  
避吾人得脫鋒鏑之難也實僥倖耳釋今不圖安保將  
來於是白理薩御史羅山胡公仲善案行所屬安邑等  
五縣各集工夫並力修築石伐於山木採於林甕陶於  
野其或料物弗給者侯自爲處分仍推本郡舉人間輔  
監生侯相董其役而侯實朝夕督之用是納度有方程  
勸有法民不知出財之費工不憚服役之勞直若子趨  
父事者然甫兩月工卽告成傳所謂以佚道使民雖勞  
不怨者信不誣也夫城周匝廣袤仍舊而壯偉森嚴實

解州全志

卷之十四

本州

藝文

三

數倍於舊立石用垂不朽竊惟大易於萃以戒不虞而重門擊柝之制固有取諸豫蓋居安慮危思患預防以爲弭奸禦暴計耳噫凡我郡邑之民其尙思公之所以興舉之由及士大夫耆宿立石之意且俾後人享其利於無窮者亦不敢忘其所自云

重修州學記

韓文

解爲平陽支郡學廟原坐郡治之東南隅創自有元及今二百年矣其原建大成殿洎明倫堂齋號公廨倉庾宰牲等房歷年滋久風雨摧殘傾圯前之爲守者間嘗修葺一二然廢墜者尙多正德四年冬河南李侯文敏解州全志

卷之十四 本州 藝文

四

由鄉進士先知究之魚臺擢守是郡下車首謁先聖廟乃偕同知彭君佑判官王君禮各捐俸金爲倡百計料理鳩工庀材陶甃輦石踰月工成且完且美殊爲改觀由是肄業有齋燕息有所飲饌有庖儲粟有庾貯器有庫仍建號房二十楹外樹儒林坊射圃亭噫李侯之用心亦已勤矣經始於正德五年十月落成於次年八月司訓項君鎮詣予徵文夫興學固有司之責而育材實師儒之任彼教化陵夷必思有以明之風俗頹靡必思有以正之人才彫弊必思有以養之誠如是則賢才之興顯顯焉濟濟焉出而効用於時以鳴太平之盛光輝

前後以媲美於古人者未必無其人也豈但科目賓興榮耀一時而已哉

重修二忠祠記

呂柟

二忠祠祀漢關雲長張翼德也劉先主元德與之桃園結義起兵討賊興復漢室志雖未成義則已立曰二忠云其祠則解人義官王君寬之祖名德者捐地以建其子登州府經歷守春捐貲重修者也然雲長解之常平里人志殲二賊威震華夏某嘗編次其行事曰義勇集已傳行矣惟翼德雖號萬人敵然如破魏將張郃以安巴西功在益州多神於蜀解人合祀或者疑焉曰翼德解州全志

卷之十四

本州

藝文

五

雲長之友也蓋皆切磋琢磨以求成乎忠者也固不可以地之遠邇名之大小別是故微翼德雲長之道或不能若是之大微雲長翼德之勇或不能若是之正微二忠之烈先主之業漢室之延或不能若是之顯且久王氏合而祀之其有見乎此不可以勸不義而戒不忠耶祠周皆磚甃有坊在其前石爲柱費皆經府所自出經府有子曰大學生光祖嘗師予於解梁書院以修明周程張朱之學比予改官南京又泛黃河涉大江事予於鷺峰東所其歸也以是請曰吾父祖之志也則不可以

莫之存耳祠落成在嘉靖四年之夏

漢壽亭侯謚壯繆追封顯靈義勇武安英濟王解州人  
也州在漢時稱解梁縣隸蒲州統屬河東郡今仍之第  
郡改曰道而府別平陽云距州東二十里爲常平下馮  
村王故里也父老相傳廟卽王舊居有塔屹立襲稱塔  
下爲井王初避難出亡時其父母沉葬於內後人因爲  
起塔以表之惜史傳失記郡志無徵塔上嵌片石知在  
金大定十七年本莊舍人王興重修廡下列斷碑知入

國朝一修於成化丙申再修於嘉靖癸未繼修於庚寅  
皆鄉民私葺官不與知焉憶余於乙未歲叨登進士第

解州全志

卷之十四

本州

藝文

六

卽夢謁一宮宇彤庭宏敞檜栢蒼葱觀王端冕坐殿上  
旣而除知夏縣夏爲解之屬邑余以事入解趨謁王祠  
宛然夢境心甚異之以爲奇兆尋丁外艱還服闋補知

萊之掖縣入登烏臺出守青郡俄謫西江之寧州前後  
凡十八年乃轉知解州始知前夢之示端兆於斯不獨  
形宰夏之徵而已也視篆往來經常平祇謁王祠乃知  
祠舊在塔前嘉靖初巡按侍御王公秀豎石爲坊榜曰

關王故里後改廟南向前面中條山後倚澗池抱靈吞  
秀於義尤當巡澗侍御尙公維持發公帑金以倡侍御  
宋公儀望繼有所助而前解守張侯習判官王子大用

各捐金以相其成但故里之坊猶未移置塔前雖正殿  
苟完而寢宮未闢殊爲闕典余因出贖罪金及穀米之  
數爲工食費召匠增修歷三時而後底績乃移石坊於  
前衢外爲大門四楹耳門各二楹入門稍東卽古塔也  
中建虛榭以爲鄉民伏臘陳獻之所正殿六楹繚以迴  
廊環列一十五柱東西建廡各十楹繪王神績後爲寢  
宮四楹繚以十二柱金碧輝煌謁者改觀尙宋二公之  
績於是大成而棲神妥靈庶其無遺憾矣乎予惟王之  
忠義古今罕儼今去漢千餘載蒙遜之鬼不靈權操之  
祀久絕而王直氣凌霄漢神威貫宇宙家祀戶祝廟遍  
解州全志

卷之十四

本州

藝文

七

寰區向使王少屈厥志俯就功名又惡能充塞兩間久  
而愈靈顧若是之烜赫哉王廟在解城西郭外每歲孟  
夏八日秦晉汴衛鄰省之人男女奔走謁拜於道者蟻  
相聯固焯焯震耀矣常平爲王里宅尤宜表樹第近山  
多風垣墉僣蹙易於摧毀余特記厥成於石揭諸廟庭  
俾後之繼守茲土而進謁者知興修之艱而摧頽之易  
也視其將圯卽嗣而葺之庶幾斯廟永永無斁豈直於  
祭法勤事定國之典允合弗戾而實於朝家表忠崇德  
之旨恪遵無墜焉詎非有司之職守臣之任哉

涇野先生爲南少宗伯槩獲侍教焉粹宇深衷穆如春風澤如良玉介如磐石躬備隆德矣每進見輒數日不蓄鄙吝駸駸乎若有悟會解梁邱孟學同署雅相驩也邱蓋先生謫判解梁親受經者居無何先生拜表行會天變乞致仕得請家居而槩坐劾罷尙書郎落職山東濮州兩期移平陽同知於時邱孟學以憂居解梁而先生捐館舍矣仁賢之萎天哉壬寅冬有北警當道令先事飭備余載簡書行縣至解則謁先生於祠堂慰孟學於苦次而州守解字仲約者則私淑先生之學宜民和人罔或恫怨良有司也攜之詢故老問解遺愛則故老人罔或恫怨良有司也攜之詢故老問解遺愛則故老

解州全志

卷之十四 本州 藝文

八

嘖嘖歎息咸曰先生先生云邱孟學曰先生訃至解也吾解人聚哭於祠堂朝夕臨者三日衰服者二十七日而除槩聞之歎曰迺今知聖賢用世庸俗之功入人之深也先生初去解解人思之建祠堂貌先生於生先生訃至解解人哭之衰服而報如君父於沒是豈可偶獲耶無他誠意而已別去癸卯季春余又以公事至解守則期孟學同拜先生像而飲仰山堂中堂蓋先生課解士構也解守迺白於子曰情守官也知先生政解瘠地也人丁門所輸倍蓰於他郡迺力白於當道得均減於各郡邑者什之五解人得不玷於死亡離散者先生

也事載去思碑中他如開西禁門以便鹽利聯鄉約以振偷靡課農桑正婚祭申律誥問民所疾苦民受其賜不知誰所爲也請颺先生之政以告解人邱孟學曰東魯受經三年矣知先生教先生撤淫祠爲書院崇正學躬以率人會有以廢舉業者爲先生請先生曰程子教人不廢舉業其言曰不患舉業惟患奪志魯齋教人治生爲先夫舉業治生逐逐日計其功且遂則焉用學若舉業以明理治生而受命則卽此是學請颺先生之教以告解人槎乃作而言曰余聞先生政教矣請舉先生之所以述聖學而俟百世者以告可乎夫自孟子之教

解州全志

卷之十四

本州

藝文

九

湮而處士橫議幸賴濂溪啟源伊洛濬瀾張子揚波朱子滙流皆正脉也舍是而他求則旁溪迷津矣嗣是許魯齋仰師文公薛敬軒上挹魯齋爲得其的派先生生平二公之後旁搜遠紹仰思俯得今觀因問五經諸說皆先行而言從菽粟之味布帛之文也今之爲陸學者過高非實實非陸也視先生之學不有媿耶余故曰繼朱子者魯齋一人而已繼魯齋者敬軒一人而已繼敬軒者先生一人而已解人祀先生矣爲士若民尙崇志於先生之學乎先生當並敬軒從祀聖門爲天下學士師程固非解人之所得專也先生姓氏履歷詳在去思

碑茲不述邱孟學解人深造先生之道而有得者解守  
名情山東東平人敬守先生政教亦先生之徒也書此  
鑿之石告解人俾勿壞

重修潺湲亭記

解情

嘉靖壬寅神居子復謫解梁抵任之日南泚子卽酌於  
宅園之亭曰子知亭以潺湲名乎宋史新繼父守此引  
條山之水入內達外厥聲潺湲不絕建亭以象以慰其  
母歲久水涸亭圯子至濬源而導之約其散漫復歸於  
中於是泚者弗積坎者弗止故道復通潺湲之聲復作  
自茲及子輩之宅漸被於學之泚民之圃人無不悅茲  
解州全志

卷之十四

本州

藝文

十

水者因復新其亭今而得與吾子之洗心於此也嗚呼  
余聞南泚子之爲政也專務簡約惜民之財與力如惜  
其心入境而猶見茅茨土階之風然猶葺是亭者非以  
流近不長澤不下究出之無序慈惠不水中壅蕩之咎  
弗可訓耶澡濯同官波激校士潤澤民生斯亭之新以  
人樂固非樂臺池然則斯亭也將弗思端本以法其源  
乎善口以效其流乎普濟以象其利乎俾頌聲之作以  
配其潺湲乎違則爲玩物喪志爲厲民自樂爲小民怨  
咨之階而亭之所係如此又豈獨樂人之樂而已也南  
泚子曰予始惟惜此水而節之以不墜前人規安望其

如子言曰節之義大矣而子少之乎天道節而歲功成  
地道節而代有終人道節而裁成輔相之責盡節之義  
大矣子蓋少之乎子蓋服節之久相與流通而不自知  
矣不然涇野溪田我明名臣行爲天下則也而獨爲諛  
言以悅耶時判官強君用德等在側余曰神居子之論  
理而不口宜記以告登斯亭者時嘉靖癸卯春二月吉  
日

按神居子者高郵王京以太僕丞謫解州同知南潞  
子情自號也碑在署中西圃與林元敘碑並峙

重修潺湲亭記

林元敘

解州全志

卷之十四

本州

藝文

七

解守居第之後有圃幾三畝東隅有亭曰潺湲歲久圯  
壞碑亦蝕剝攢認之則宋至和間史司封新者來守茲  
地所重建也記爲安邑令閩人黃通所撰其略云新之  
父太史先生亦嘗以司封守此酷嗜山水守蒲無以自  
遂至竅石爲池改解條山仙女澗有泉壯漪甘冽洳入  
於城南通濟渠引渠入流繞第灌圃厥聲潺湲遂有斯  
亭而小史口念繼葺之云子嘉小史之孝思謀再葺之  
越明年百廢稍修解人亦安子拙旣節俸修風木祠奠  
我先生次及於亭改建之中圃崇高其址增其所未備  
亦引其泉環焉大旱不涸仍名曰潺湲池外口口花木

紛披皆以物不勞汲口意常如春與闐闐中均受其利也時或明月滿亭涼風徐來情深泚泚幽香襲座葛巾鶴氅坐其中童子告曰漏下己三鼓矣不知予方有事焉亦忘其勦也嘉靖甲申月日

重修城隍廟記

李瑤

州治西北一里許有廟所以祀本州城隍者也蓋祭法之言曰能禦大菑則祀之能捍大患則祀之而高城深池有金湯之險有藩衛之功故是神之封號自我高皇帝削平四海秩百神之祀卽取此義而封之以保佑一方廟制雖屢經修飾而規模狹隘至正德間始恢宏焉

解州全志

卷之十四 本州 藝文

七

嘉靖甲寅郡守宣城徐公完舊益新尤大爲袤延繪墁事載紀功之碑越明年乙卯地震廟宇頽敗垣墉傾覆而階墀亦毀裂矣會栢亭王公來守並土建議經營掄材鳩工未卽事而有民部之擢適問義趙公奉命至始謁廟見其木積而弗斲瓦堆而未葺乃歎曰是功豈可緩乎哉遂與二守丁君料量其經費之需區畫其材用之宜命耆民尙奇玉孫著張藩李永茂等董役於內不數旬而工完焉公乃謁拜廟下以成事告而請予爲記

予曰神人一理感應一道敬者神之應也仁者民之歸也忠者君之資也而忠其君者仁民之臣仁其民者敬

神之吏是故能事神而後可以言使民使民而後可以言事君况城隍爲保民之神郡守爲保民之官皆受明君之命相爲表裏焉者若廟圯而不修非惟不知敬神亦非所以忠君仁民也一舉而三善集謂不可登之石以告來哲耶由是吾解之民其爲善者明有公以褒之幽有神以福之其爲惡者明有公以罰之幽有神以禍之然則公之功業將不與神並顯於一時乎豈曰廟貌之修而已哉公諱廉字文緒陝西寧羗人登辛卯鄉進士問義乃別號云

建風神廟記

侯居良

解州全志

卷之十四

木州

藝文

三

軒轅皇帝氏相姓風名后解其故里也廟舊建於城東南五里其來遠矣嘉靖丙寅關中呂侯文南奉命來守茲土始至謁廟見規制湫隘日漸傾圯又地里遠僻非以肅神靈便祀事卽欲新之未果比三年廢者舉蠱者飭利興而幣革政成而民安廼謀諸鄉士大夫卜地於東郭卽八蜡廟遺址爲之申畫示勸鳩工聚材不旬月而畢役繚垣雲矗飛簷翼張重門穹閣邃宇雕甍竇竇燿燿奕奕堂堂營繕之功於斯爲盛予惟風后者隆古之神聖其生也鍾條山嶢海之英其出也應黃帝夢寐之感配上台之尊爲軒轅之師上繼羲農之治后天以

成務下啟堯舜之傳先天以開人民未宮室相以制之  
民未器用相以作之制度支爲之未備相以創立之凡  
仰觀天道俯察地宜神化宜民由於黃帝之裁成者悉  
有以輔相之史稱黃帝得六相而天地治神明至神實  
爲之首大矣哉其開闢之元助乎天下後世之沐其澤  
者莫不景仰不特一鄉之人爾也呂侯之崇奉豈世不  
經之祀可例乎古者德冠一鄉化行一邑率廟祀而尸  
祝之矧神仁覆斯民之功無以尙矣則其報功之典出  
於故土之人心者又當何如也且吾鄉以功德祀者上  
古有神三國有漢壽亭侯侯以武而勘禍亂廟建於西

解州全志

卷之十四

本州

藝文

古

郭象天地嚴凝之氣神以文而綏太平今遷廟於東郭  
象天地溫和之氣前人之建豎意若有待今日之修舉  
事實相因時之所值者旣異而才之所應者不同文武  
無異道聖賢有全能吾固謂茲祀非世之不經者例也  
今聖朝方以隆古之道治天下薄海內外咸底休風則  
是廟之新匪徒崇神聖於旣往而聖朝至治之意亦有  
以熙於無窮矣其關係夫豈鮮哉是役也經始於隆慶  
庚午季春落成於是年八月正殿三楹轉互重以簷廊  
大門三楹外樹坊牌題曰開闢首相風神廟若夫工費  
督助大凡則列諸碑陰

季漢前將軍關壯繆侯解人也解故有祠距城西百步而遠南面中條而峭水北潞之更北則水爲涑爲汾爲河山爲姑射爲紫金勝所無不攬結祠傳自陳隋不可考宋祥符元祐以迫金元有益無因至明宏治間歲春秋祀著爲令嘉靖末以震更修萬歷初建麟經閣二十六楹高九丈翼以二樓廊七十四已而東阿喬右丞增東西門鐘鼓樓嫌北勢漸下因覆土爲山負若展長三百高稱之而祠規制大成儼然王居矣解人少司徒趙公與其子太僕公生平儼事侯嘗輯祠志所以表章侯

解州全志

卷之十四 本州 藝文

五

甚備是役也公父子實先事而州大夫張君與士民贊之旣成屬不佞爲之記世傳侯辭曹孟德書曰日在天之上普照萬方心在人之內以表丹誠其語實出管仲仲樞言有之道之在天者日也在人者心也孔子曰天無二日民無二王管仲九合諸侯以尊周室君臣之義如日中天亟許其人勝於匹夫匹婦之諒而世或嘗不死糾爲非春秋書伐齊納糾以爲不受而強致之書齊小白入於齊明小白宜有齊而管仲之心始白夫操劫遷獻帝闇于天位而關侯扶昭烈而恢復之其奉昭烈王蜀必請命於漢猶仲之佐桓公尊周也操挾天子以

令諸侯而侯始爲之用名不爲君臣而義實爲讎賊非若管仲之先讎而後君也管仲幸而成侯不幸而敗乃其心仰不愧天與日爭光矣管之言曰有氣則生無氣則死者以其氣有名則治無名則亂治者以其名孔子去仲二百年而曰微管仲吾其被髮左衽名不朽而氣若生侯名至今不衰勃勃有生氣夫人心無古今辟之於日終古常見而光景常新故侯之神閱千餘年而使人齋明盛服以承祭祀遍於華夷解爲侯所產河山草木若加榮飾祀侯不亦宜乎或言黃帝執蚩尤於中冀而戮之肢體身首異處名其地曰解而其血化爲鹵

解州全志

卷之十四

本州

藝文

六

則解之鹽池也崇寧中池水數潰張虛靜請侯之神勝之池鹽如故而侯見像於庭於是加封號拓祠而祀獨解最偉侯之靈爽獨解祠爲最異按管子黃帝得蚩尤明於天道崔孤之山發水出而金從之蚩尤受而制之爲戈戟豈蚩尤故非一耶而天官志復有蚩尤之旗侯所誅爲何物天道遠人道近要以人道君臣之心忠義萬世如一日則祀侯固非直鄉曲私也區區怪幻孔子所不語亦何足辨哉祠有圖及諸經費之幾若首義舉敦匠事別有記

皇帝十有七年春三月朔安子至解明日視同知事越  
二日釋奠於先師畢之學宮則頽圯矣眎三原先生所  
爲記蓋乙亥改建來未葺迄五十一年所其堂規模雄  
壯而傾欹朽蝕壞可十之四其齋序壞十之八其大門  
三重壞十之六其官廨各聊且居甚不可保晨夕亦壞  
十之二三六七者其號舍壞十之七直堂而東則尊經  
閣閣壞十之三底後則敬一亭壞十之九圍垣十七八  
壞行者貫之爲徑至就私焉安子用慨然而未置言也  
越五日守魏子至自京首謂安子曰解之殘子盡見之  
乎亡最學宮者予以去載三月受事亟欲葺之而迫時  
隙則瑣棘大隙又以計上今可如予志哉而胥手文書  
立問之維前守所以葺學宮請而當事可之籍也魏子  
曰果爾可毋勞再議胥曰貲數詘奈何魏子曰有守在  
胥曰解壞巨而未入議奈何魏子曰有守在促卜日而  
又迫時乃以八月中旬經始十二月初旬報訖安子隨  
魏子偕學博李子解董吉子往閱則鞏矣煥矣可以明  
倫可以肄業可以居可以遊可以觀可以興矣安子曰  
學宮不當如是修耶而在解良難解故瘠土游以頻年  
水絲條山下高者爲砂礫場汚者滙而澤死徒之餘口  
以□□斜而系巖同者半獻歲帥以□幕等關之池索

巖焉而□在州者□假搵歛時糗糒周旋於□十里崎  
嶇泥淖中爲土石商履水而罷夫民方呻吟疲絕則重  
之難村巷比戶而坏其不能行者四壁耳歷年之賦輸  
未及衷檄使旁午敲朴無暇日儲帑閉而稽核精復主  
吏往往得罪則所規以傳之者又難夫如是安得不五  
十年而始修解子曰然矣而民不知勞官無益費庸登  
今日之積也何安子曰有之曰者魏子之覆徭也單心  
極智終夜不寢所鈎者豪黠之濫而匿者若干所裁其  
供億之冗而無裨者若干所酌其輿墮而上下之者若  
干而爲剖之如甘雨零而□之□鴻造敷而萬品各居  
解州全志

卷之十四

木州

藝文

七

其所印以舊牒計二夫而寬一金有奇均則說說則安  
其何勞之與有矧是役也慎其督躬其相密其咨察□  
故不楹易楹故不桷易難鉅也不中棟寧楹不中□寧  
桷惜□也□以曲承直亡以脆肩重懼勿勝也錙銖如  
取之私囊而毫末如呈之眉睫成而貲果詘魏子忻然  
曰是固爲守之奉累夫如是安得不五十年而今始修  
僉曰然哉而魏子□不足曰學校具也必有所以具曩  
解俗樸今汰矣有以金髻者矣曩解俗禮今衰矣有以  
喪嬉者矣曩解俗親今偷矣有以躡櫟而寢處人者矣  
如學校何安子曰訓紛以式訓違以身吾子奮伊洛間

端方直諒出諸性生與人洞見肝膈爲□□不計利害  
爲閭巷不計警譽孔子曰言忠信行篤敬雖蠻貊之邦  
行矣夫所謂行豈苟以容足之地是蘄居而不能誨非  
行也仕而不能率非行也吾子之謂忠信篤敬豫矣况  
解載□□□之地久□□大良代不靳作於以出不善  
而鄉善耶若滌吾子之行於茲將是學宮俱新焉在皇  
帝復古崇實之禮詎適小補耶魏子名養蒙字以貞洛  
陽人丙戌進士

重修常平村關王廟記

魏養蒙

常平王發祥里也在昔黃巾作亂王父母避難井中里  
解州全志

卷之十四

木州

藝文

九

人瘞之後王如蜀仗義討賊里人建塔井上而廟制興  
金大定十七年里有王興者創建正殿三間轉互環廊  
四十間寢殿三間儀門三間南向大門三間北向嵯臺  
侍御尙公維持宋公望胡公鑰皆重修有記而胡公之  
營治特鉅且以大門北向於廟制不合乃移之南向外  
石坊亦南向東西建坊二南建影壁一規模益宏敞矣  
嗣後三十餘年迄無修者傾欹朽腐十可六七巡按御  
史臨城喬公璧星移檄重修會嵯臺蔣公春芳撫臺呂  
公坤僉允余請而二直指各助以廿金并動西廟香縉

共七百餘金命省祭官暢棹楊卯董其事因瞻新儀門

外先靈塔逼近大門不便饗獻乃移大門南一丈許塔前建饗祀碑亭一移石坊於大門南一丈許移影壁於石坊南一丈許餘制雖仍舊而棟薨榱椽楹榑垣甃以迨案棖砌礎盡棄其舊易以新焉名曰修實則創也故費七百餘金而用尙絀余復捐資佐之飾以金碧煥然改觀經始於萬歷二十年七月至二十一年四月報訖宜鐫石以記余惟天地正氣凝滙而爲山川而賦於男子則爲忠孝余讀陳壽史暨百家傳詠頌王之忠者備矣洎守解謁常平廟視靈塔撫故碣覽侍御胡公之記爽然歎曰王蓋純孝哉王之先無表見里人瘞而識之非王孝孚於鄉浹於肌髓則吾父母之流離不寧而暇恤人父母耶比今遺塔儼然歲時香火絡繹於大嵯之濱固王孝思陰牖千百世之人心也夫不孝以虧體辱親爲極而孝莫大於宗廟之饗自昔以匹夫榮其親令後人建祠豐享惟尼山一族王在漢末以赤衷扶弱主捐軀成仁於王父母稱光顯矣後世崇王因追崇王父母建祠豐享則尼山之後一人而已嗚呼秦漢而來遺碣之剝落生苔委於荒草者豈少也哉歸然一塔悉梵宇陳迹也而王父母獨能以此延百世祀令名無窮焉則王之孝徵也按王祖有龍逢者忠烈著於殷室而孝

無不皆然語曰求忠必於孝子之門則龍逢之爲龍逢可知己王忠烈紹祖先而純孝可徵又彬彬如是碣古而文沒侍御胡公聊述而未竟其說使王之全懿不章顯於天下後世守土者罪矣故表而出之我國家化民成俗忠孝爲先侍御二公代天子觀風三晉芳聲美政未敢憚述而都撫呂公新鄉約申保甲於忠孝特惓惓焉則茲廟之修寧獨崇祀典耶嗚呼爲人臣子而忠孝無稱者觀廟貌其知愧也夫其知懼也夫

重修石牛寺碑記

侯亮子

余髫年時卽從事於鄒魯業青牛白象氏俱未暇理焉

解州全志

卷之十四

本州

藝文

三

釋褐後始得以公餘繙閱諸子以侈域外觀瞿曇家說方及目矣其五千四十八卷中總之欲籍旁門而窺堂輿走捷徑而會都城也人之屈十二大洲者樂此之爲逕往往割去塵緣求爲頭陀以希大覺氏卽儼然鉅儒亦有稱楞嚴首軸爲奇書歎儒門淡泊而欣然屈服者釋老宣尼世鼎足焉吾解自元至正靜林石牛已欲創矣州之東北隅數叢林者必於石牛屈一指焉其正殿三穩對峙而南者觀音殿也又有南山門遠豎與天王殿相屹立院列東西者二臺廳而下齋舍排貫週圍垣墉百堵奇諸優婆塞日捧誦呬咒其中凡旅過而環聽

者無不稱勝概也迄國朝宏正間業已就頽嘉靖中葉復值坤震益爲土木一大厄殿寢剝落古馨張子妙香請梵音得魚山遺韻恐象教從茲墜也力爲補葺大祇之後難奏完修其徒天真馬子悟純染翰類懷素性姿類惠能醫述通枝水講法叅禪又得竺乾大人之真印無論禪門中稱第一流卽縉紳先生亦不辭而闕之叅白社議風旛者亦時有焉廣結檀越用恢前績易朽以堅甍宇以瑠甃臺以甌丹墁堊塗簷阿華彩赫然又若甲囊時持籌計費約可數百金特一呼諾而辦二氏之菩提慈帆素著閻浮若斯也釋門中可謂夙世功果真解州全志

卷之十四

本州

藝文

三

了緣矣倘嗣後五戒常尊六根常淨金剛不爍般若不昧無壞爾牟尼珠懸靈明鏡於無影樹脫塵入化挑雙履見西方主者余與子會於葱嶺之陰將共飯香積浴蘭而還傳子之能得衣鉢於庶人子其無忘先祝焉余因諸文學楊君應仁景君可樂耿君聚奎姚君茂華之請特用司馬公解禪六偈之說書之於碑以爲石牛記時萬歷二十三年歲次乙未秋孟浴佛之後五日也

重修解州公署記

國朝

呂兆璜

解署之設也自隋大業以來廢興不可得考至明而刺史洪公範張公鉞程公觀趙公忠輩次第開拓而廳事

幕宇始宏敞合度其最後更新之者則王公惟寧蓋嘉靖丙辰歲也迄今一百有七年矣其間兵火頻仍吏民疲竭蒞茲土者目爲傳舍秩滿則去罔事修葺風雨之所漂搖鳥鼠蟲豸之所蠹蝕日就隳壞余自順治辛丑十月奉

命來典是邦入其門而見偃然以欹登其堂而見隕然以圯下潰上裂日光穿漏出入者危之不禁慨然曰此守土之責也夫天之生斯民也使司牧之固將綏民以安非曰勞民自逸然事有一勞而永逸者君子必舉焉迄今不爲恐後雖更倍其勞而勢有所不可及也僞曰

解州全志

卷之十四

本州藝文

三

雨卑而除道水涸而成梁清風至而修城郭宮室矧乎公庭者政令之所自出官吏之所自躋也錢穀圖籍之所自寄而烏容因循玩愒尋至廢弛哉里老進曰往例修者合五邑之力以供事故事易舉焉自五邑罔克赴工而州之人不能獨任署是以廢今議修繕請徵之余曰嘻毋庸也刺史初至地方不能勤宣德教以鎮撫人民而遠徵工作是重勞百姓而開罪於我疆土也吾惟當設法以修葺耳乃於庶政咸舉之後發穀米集子民庀材鳩工因舊增飾毋費毋濫其椽楹榱桷之朽腐摧折者易之頽墮瓦甃之殘缺者補之廊廡之頽敗門繚

之崩塌者興築之十六里民各任一事而董厥成始於康熙元年新正之旬有八日蓋閱月而告竣焉余乃率其僚屬登堂環視則向之偃然者隤然者莫不堅朴完固煥乎改觀又不禁惻然曰是役之成民亦勞矣雖然歐陽公有云事不患其不成而患其易廢故使前此而間修之可以無壞使繼此而時修之則亦不至於再壞我願後之登斯堂者念民力之普存惜前功之難廢毋傷財以厲民毋玩時而棄事俾我二三庶老時和年豐既富且穀偕其子弟而熙熙然長介壽於此堂也則余所自勗而并欲與諸君子共勗之於是爲記

解州全志

卷之十四

本州

藝文

三

關聖祖墓碑記

高夢說

從來論忠孝者必曰盡忠不能盡孝似忠孝之道不能兩全余竊以爲不然何則孝以承先之志爲大凡人當平居考業其祖與父必勉之曰爾他日得志務爲忠臣勿爲佞臣及委贄爲臣之日能公爾忘私國爾忘家祖與父未有不色喜者喜其能成吾志也不獨此也卽千百世後人咸指其祖父之邱壠曰此某忠臣之祖也此某忠臣之父也而爲之祖父者亦因以傳之勿替其爲孝不亦大乎然古今來盡忠與孝者孰有如關聖也哉聖之廟貌徧天下精靈塞宇內其當日之忠貞貫日與

夫豐功偉烈固表表在人耳目間雖狂夫愚婦皆能悉數余不具述惟公鍾靈於解而常平原有公之祖父兩塋歲時致祭至今不輟但父塋在廟而祖塋居條歷代典祭者憚於步艱每望祭神道碑前未嘗躬登壠隧且二世字諱及生亡甲子變亂頻仍湮沒失傳揆諸聖心寧能釋然於懷予轉鹽聖里茲春齋誠瞻謁聖像因詢聖之遺跡並其祖父邱壠而解州吏目朱仔及長樂司章用中鹽池司王閏進而言曰聖考諱教字道遠今之故廟塔卽道遠公窳窳之所獨祖塋曾未至焉於戊午之夏郡庠生于昌肄業常平廟晝夢聖督視殿西井內

解州全志

卷之十四

本州

藝文

五

物于昌寤而往觀適有濬井者得碎瓦神主篆刻隱然急合而讀之上勒云石磐易麟隱士諱審字問之生於漢和帝永元二年庚寅卒於桓帝永壽三年丁酉享年六十有八葬於原著讀處傍勒男毅供乃知爲道遠公奉祀厥考之主也又有庠生李倬者素善堪輿徧閱條山中得一佳兆方瞻歎非常有老樵王義過而覘之曰此地幼聞先人傳是關聖祖兆豈今人所可越奪者哉遂共披滌草壤得舊石供桌下置一碑竟與神主有合是以仔等擬將墳臺墓道少爲修葺以妥公之靈無如力有不逮意欲置設募簿以徵同心共成盛舉尙未能

果云云余聞之不覺肅然而起曰噫聖之忠誠大哉聖之授夢于生其孝又至矣然而天下之人僅知聖之忠而不知聖之孝也非不知聖之孝以爲忠之不能兼及乎孝而孝之適足以妨乎忠也審如是也將所謂求忠臣於孝子之門者何謂乎故人以忠孝之道分而二者余則以忠孝之道合而一之今觀於聖信耶非耶雖然聖旣以祖墓爲念授夢諄諄人能以敬聖之心轉而敬其祖以慰聖之靈其爲敬不較勝歟是役也捐貲獨建余宜任之但人各有敬聖之心使一人獨任阻衆人向善之心也烏乎可愛命三人董其事而余捐貲倡之解州全志

卷之十四

木川

藝文

三

俾衆人羣焉應之勒碑墓側以垂不朽非以之邀名也非以之獲福也正欲表聖之忠孝兩全以告天下後世之爲忠孝者

重修城隍廟碑記

萬象

自秦罷封建置郡邑而城隍之義肇焉然先儒謂旣有社不宜復有城隍故唐李陽冰縉雲城隍廟記謂祀典所無惟吳越有之間嘗考諸載籍李德裕建成都城隍祠張說有祭荊州城隍文張九齡有祭洪州城隍文杜牧有祭黃州城隍文高齊慕容儼梁武陵王祀城隍神皆書於史則又不獨唐與吳越爲然矣迨宋其祀徧天

下或賜廟額或頒封爵甚或遷就傳會各指一人以爲神之姓名如鎮江寧國太平華亭蕪湖皆爲紀信贛袁江吉建昌臨江南康皆爲灌嬰類此尙多雖幽渺難知要其崇祀之意固有在也明初禮官奏請以風雲雷雨諸天神合爲一壇天下山川城隍諸地祇合爲一壇春秋專祀其議甚正而郡邑祠祭領之有司齋虔敬謹咸凜凜罔敢或怠蓋城隍是保氓庶是依雨暘弗若則禱焉疾疫或生則禱焉是興利除害司牧者之責而捍災禦患惟神之力也夫詎梵宮琳宇所可同日語哉解梁城隍廟在州治崇寧坊街北其建自何代誌載未詳規制宏敞歲久漸就侈陋余維備員茲土已閱六載農慶蓋藏民無疾癘偶或雨澤愆期禱之隨應所謂致酥產物助天育人非耶顧廟貌傾頽尙不亟修則薄視乎神者卽薄視乎民也無乃隕越厥職爰從士大夫及樂善衆庶之請首捐餐錢嗣籍羣力鳩工落成從此書大有而無虞災青國計民生攸利則斯舉也非諂非淫所以崇祀重民式符古昔之遺意焉謹筆其役而爲之記

重修關廟啟聖祠碑

馬淑援

解州東南常平村本季漢前將軍關壯繆侯梓里先人遺塚在焉向條倚池故有廟塔井尙存相傳卽舊居址

有司致春秋祭每歲詣其處蓋崇所自出云而州治城西廟更宏壯甲天下考志肇自宋祥符間歷朝勅額褒封有加旣秩在祀典顧厥親未祔不無闕略前代藩藩續建啟聖祠允愜衆願稱盛舉乃久而弗葺奚所安侑適太守萬公來守解拜瞻廟貌慨倡捐修起癸亥初冬越甲子暮春告竣請援載筆以記援惟論人於出處死生之際甚難言矣要大端則忠孝二者盡之吾關夫子何愧焉宜至誠至性感入人心經數千百載而未之衰也當漢末羣雄競起睥睨神器一時謀臣策士逐響隨波非希功名卽趨勢利如荀文若輕附權門貽譏史冊

解州全志

卷之十四 本州 藝文

天

夫子獨以父母之身千里而擇主草澤定盟迄無二心中間馳驅百戰備極艱危迨佐先主正號西蜀而自當一面鎮荊州北取襄樊有席捲中原之勢詎奸蒙乘隙其後殉難臨沮惜哉天不祚漢竭蹶難留命也跡其生平大節與諸葛武侯應聘出茅廬任丞相付託鞠躬盡瘁死而後已何以異或者不察謂國爾忘家義不顧身忠矣與孝似未能兩全噫抑知此正所以成其孝也大丈夫志在四方寧必以田舍老况遭世亂卽闔門罹禍究罔益也一往壯遊樹駿流鴻顯揚其親於無窮不亦偉與且生膺王爵歿薦廟享明禋萬世世無絕視彼篡

賊之終歸銷滅斬菹食而殄其祀相去何可較論哉夫  
孝始於事親中於事君終於立身按之關夫子其深有  
合也明甚或者之論烏足辨此嗟嗟漢鼎分裂於今千  
幾百年矣扶正之功君臣比烈昭報之禮父子同馨睹  
斯祠也名以義起制由名立作者彰曠儀於具備述者  
光大典以更新其奏格於神明一也豈非動乎誠入乎  
至性易世相感不能泯沒也乎嗚呼凡有心者撫今懷  
古聞風慕義忠孝之心可油然而生矣

藝文

詳請緩徵逋糧議

國朝江闈

查得解邑慘歷奇荒繼遭時疫病者死亡枕藉逃者村落空虛幸蒙

皇上賑濟緩征各憲詳題軫恤此鳩鵲之遺得以稍延一息而部議未蒙俞允憲檄下州催完闔州老幼驚惶危懼某目擊心憂業已具詳蒙批在案茲何敢再爲置喙特是從來荒歉之處不過曰民情困苦也流亡未集也瘡痍未復也元氣未蘇也而實則解民之所遭出於

解州全志

卷之十五

本州

藝文

一

尋常之外有非此數端可盡者夫解邑南僅五里逼於條山東僅五里逼於鹽池西僅半里逼於硝池北則城郭而外皆長樂等灘間有田土非嫌卽石且距秦止有百里歷年蝗旱與秦無異現今田土其荒而未闢者不少逃亡而未返者尙多今歲夏秋雖登當收穫之時朝陰暮雨霉爛相仍屢荒之後東貸西稱醫瘡不足名雖豐稔實無殊於荒歲是以今十一月本年錢糧尙未全完茲一旦復以三十一年之宿逋並三十年之借賑與本年之錢糧三歲並徵在窮民皮骨之外無餘資而印官血比之餘無良法籠楚嬰心桁楊切體非逃卽死兩

者不能去一無論新糧必致稽遲宿逋終無完納卽此  
賣男鬻女夫逃妻散慘目傷心之狀呼號啼泣之聲某  
已不忍言不忍見諒亦憲臺所不忍聞者似亦非

皇上惠養元元之意與憲臺如保赤子之心也如此流  
離情狀一旦

皇上知之必加某等以不能撫恤不行舉報當不止於  
革職之罪其時縱嚴加某以處分上無補於國計下無  
救於民生中有累於各憲考成此某所以不得不冒昧  
激切反復瀆陳者也伏懇俯念解民困苦至極仍作分  
年帶徵或分五年或分四年或分三年再賜詳請上憲  
解州全志

卷之十五

本州

藝文

二

恩准復題不獨解邑千萬生靈得延垂斃之生而保全  
國計亦非渺小矣

解州名賢入祠議

前人

竊以召伯致咏於甘棠風詩列之二南逮乎後世朱子  
享桐鄉之祀韓稜致邳邑之思凡以名賢善政舉世皆  
知而於所守之地澤尤親切故雖世遠年湮而人愛戴  
不忘也府州縣例有名宦其來尙矣夫解雖斥鹵之地  
實隸河東歷代轄此不乏名賢流風遺澤今猶未泯際  
已經入祠者不論外乃有最顯著之名臣猶望漏未彰

者如宋太子少師歐陽文忠公修宋樞密副使贈禮部

尙書包孝肅公拯一則忠清亮直一則廉介絕俗其立  
朝風采政事大節業見之史冊無庸贅陳按府志載修  
慶歷初以右正言爲河東制置使奏人民耕興代畝嵐  
等廢田及以河東賦歛過重奏罷十數事有河東奉使  
奏章一卷又載拯由進士爲河東轉運使耿介自持常  
經度解鹽以通商販軍國之需賴焉合之州志相同是  
二公者墾地減賦振興鹽利皆有德於解民以二志合  
乎綱鑑彰彰可據均當急爲表彰以勵後人者又解爲  
河東舊地面山帶河其間靈秀之所鍾代有忠賢奇偉  
之人其最著如風后佐治於軒轅雲長効忠於蜀漢卒

解州全志

卷之十五

本州藝文

三

皆垂休竹帛列祀蒸嘗矣乃有幽芳未闡懿行猶湮者  
其品節不在風后雲長之下今考得唐中書令柳奭以  
忠諫被害誠所謂事君不二見危授命者也謹按州志  
載奭父楷嘗使高麗卒奭迎喪哀號士人傾慕唐永徽  
間歷中書令尋貶顯慶四年許敬宗構奭與長孫無忌  
褚遂良於武后遂被害時皆惜之再考山西通志載奭  
爲柳宗元曾伯祖高宗永徽二年爲中書令與長孫無  
忌等諫立武昭儀事貶榮州又貶象州四年詔御史遣  
詣京師與無忌皆被誅又考韓昌黎所作柳子厚墓誌  
銘載子厚曾伯祖奭爲唐宰相與褚遂良韓瑗俱得罪

武后死於高宗朝是二志與韓文符合誠皆昭著無疑者也竊以武昭儀之立后關係唐室興亡國事莫大於此者爽與遂良等盡忠極諫爲臣節所當然不幸相繼被害大節猶凜凜若乃遂良無忌等舉世咸知獨爽人未稔悉猶幸二志韓文可考否則考定無從倘世遠年湮二志脫略竟致名沒不彰非所以勵忠貞而維風教也又檢山西通志夏之代有兩賢焉曰奚仲曰允侯均曰解州人定非無據考州志二人又雜入通傳其間名宦人物流寓錯出頗不可解鄉賢祠並未列祀夫奚仲佐大禹爲車正建旌旗旂旐以別尊卑車之駕馬實始解州全志

卷之五

本州

藝文

四

於仲見仁山前編仲本黃帝後封於薛見春秋胡傳薛縣有奚仲廟見後魏書黃帝後奚仲建侯於薛又十二世生仲虺見路史是奚仲爲夏后名臣且爲殷湯賢相之所自出烏可不祀至於允侯佐仲康征羲和奉將天罰大彰夏天子之威命載尙書允征本篇前編同其功不在靡與有鬲有仍下其言曰殲厥渠魁脅從罔治威克厥愛允濟愛克厥威允罔功世奉爲勘亂之經烏可不祀不知前此何以闕而不講真憾事也尤可怪者近從州堂敗壁間見宋名賢王元之諱禹偁者片石上刻鹽池詩其序云淳化四年孟夏自商洛移於解梁考州

志載其詩略其序郡志省志多一中條山詩一五老峰詩並略其鹽池詩之序遂不識其曾知解州不獨宦祠不與卽職官宦績俱失其傳及考一統志公會貶商州團練副使種蔬自給以廉著再考宋史本傳初貶商州歲餘移解州則其知解州明矣公嘗草李繼遷制送馬五十匹爲潤筆力却之清操如此又嘗獻邊防十策太宗深嘉之不能用又奏請諸郡設城池兵仗軍卒真宗亦嘉納之又嘗獻收李繼遷機宜言之悉驗卓識如此其出守滁州也以言孝章皇后□□禮成服其出知黃州也以修太祖實錄直書乃事其坐貶商州團練也以解州全志

卷之十五

本州

藝文

五

抗疏雪徐鉉反坐□□□其持正又如此夫以賢如王公煌然宋史而志書宦祠俱遺余爲守土者考之羣書徵之輿論謹陳未議以襄興朝之盛事以補古來之缺典惟夫人君子採擇焉

按舊志職官宦績內載宋河東轉運使陳堯佐包拯二人名宦祠內亦從祀焉考轉運使統轄河東鹽運非守土有司兼攝解池者可比又宋制解州職官自刺史通判外祇有防禦使兼兩池權鹽使一員提舉制置解鹽使一員轉運使非解州所得專也今旣別

志運城詳載鹽法職官似應移入運志以歸畫一州

志內職宦績不復重列名宦祠亦照此釐正又舊志鄉賢祠內有風后關聖今州中旣建專廟祠內不必復列又上古高士許由名臣傳說百里奚宮之奇俱平陸人夏大夫關龍逢晉太子洗馬衛玠俱安邑人商賢臣巫咸巫賢唐柳宗元宋司馬光俱夏縣人周名賢卜商段干木唐忠臣張巡俱芮城人縣各有祠州鄉賢祠亦可不列且以先師以前風后諸人祀於兩廡之末恐非所安他如介之推非解人更與鄉賢無涉釐正祀典當覈其實因讀江守入祠議並附記之

解州全志

卷之十五

本州

藝文

六

重建柳呂二公祠記

前人

解州舊有柳呂祠在城北隅廢廣慈寺西鞠爲茂草久矣柳諱宗元字子厚官終柳州刺史生於唐解人也呂諱柟字仲木號涇野謚文簡官終南京禮部右侍郎生於明高陵人也文簡祀於嘉靖二十二年癸卯子厚之祠不知所始以憲宗元和十四年卒迄今幾九百年中歷五季宋金元明兵燹數見其祠興廢固宜文簡之去今纔一百五十六年明末雖經寇氛非五季比遂至一椽不存何哉說者曰往哲之廢祠也非關時代之遠近治亂多因後至者與爲廢興耳惟是二公一推文章一

崇理學其並祀不無疑焉文簡之謫於解也解之丁徭昔數倍他邑常力請上官均去十之五僭知州林元敘就廣慈寺廢址創祠祀一州五縣先賢自有熊風后始下至元之岐裕齋凡三十一人旣又增劉宋柳元景訖明成化王文八人訖至解人聚哭於祠衰服二十七日良有以也考文簡生平在武宗朝疏請還宮寢預儲貳朝兩宮遣義子世宗朝大禮議起與時不合亡何奉修省詔上十三事自劾忤旨下獄考訊尋謫解州判官宜平邑人高朝用以顏子稱之子厚爲文昌黎稱其議論證據今古出入經史百子衡湘以南爲進士者皆以子

解州全志

卷之十五

本州

藝文

七

厚爲師經其指畫悉有法度可觀又曰才不爲世用道不行於時昌黎許之也如此且謂子厚治柳州禁州人男女質錢沒爲奴婢盡得贖不能贖者許庸歸質觀察因下其法於他州比一歲免歸者千人先此出爲刺史劉夢得亦在遣當詣播州子厚念夢得母老願以柳易播今之指天曰誓死生者聞子厚之風亦可少媿矣又追溯其先代爽以得罪武后死高宗朝父鎮初以不媚權貴失御史及復爲御史號剛直昌黎重其人並及其所自出所許又不獨文章明矣世每以王叔文一事少之考貞元十九年子厚拜監察御史而王叔文章執誼

用事拜禮部員外郎叔文等敗因坐黨不聞其有依附  
顯迹當必有不自之隱否則昌黎未易許人何獨許之  
如是並祠而祀之夫何疑哉余以康熙三十一年壬申  
七月抵州方匝月夜夢一峩冠儒者遇諸野藉地坐談  
半晌既覺記憶吾師漁洋先生別時曾謂曰呂文簡理  
學名臣也曾謫解州有無祠祀幸無忽因思藉地者殆  
以露處相告耶亟欲舉厥事而未遑歲甲戌乃闢州西  
南隙地別構三楹繚以垣樹以重門木石瓦甍共費若  
干凡皆余自備始事於甲戌十二月落成於乙亥六月  
因之爲記

解州全志

卷之十五

本州

藝文

八

聖駕西巡幸解恭紀

介孝璿

稽古巡岳覲后載在二典時邁懷柔歌頌興焉康熙四  
十二年歲癸未久道化成薄海內外咸躋熙雍之治  
上軫念晉秦重地備

法駕

御飛龍登太行歷并汾惟時嚴冬和暢暖若陽春黃童  
白叟無不望幸奉

旨官民迎送不得離城三里十一月初八日

駕至河東運城初九日進中禁門御薰風樓閱視鹽池  
天顏有喜如日如雲是日出西禁門抵卓刀堰幸解州

萬姓結彩焚香跪迎郊界遙望黃蓋冉冉喜曰

聖駕至矣進長樂門道禮賢坊轉泰康坊市肆滿盈婦  
女夾道跪僉呼阿彌陀佛

上見其粧朴野微哂之顧侍臣曰這解州也罷了已刻  
駐蹕崇寧坊膳進酪漿酥餅

賜扈從詞臣茶果午刻

駕出崇寧門幸 關聖廟時廟方被燬蒙

諭興脩撫臣噶禮 奏云千年香火狠該修但使人輸

錢一文事卽濟

上命給帑金一千兩爲修廟費未刻

解州全志

卷之十五

本州

藝文

九

幸蒲坂我

皇上聖德神功登三咸五誠非小臣所能揚扆於萬一  
惟是解梁爲舜禹畿內地三代以還渡汾河祀汾陰亦  
祇秋風興感無關鉅典恭遇我

皇上深仁厚澤淪肌浹髓中外臣民莫不尊親卽郇瑕  
僻壤亦邀

鸞音而承

清問山川增輝臣民錫福豈漢唐之車駕幸河東視鹽  
池所能方其盛美哉臣俯伏仰瞻之下謹拜手稽首而

爲之記

勅建關聖廟碑

介孝珠

今上御極之四十有一年歲壬午夏 關聖廟災越次  
年癸未冬

皇上聖駕西巡道幸解見之憮然

勅加意修復會當事者弗善事遂中格十餘年來過者  
歎拜者泣徒奔走於荒烟蔓草而已越己丑海寧祝公  
來收解甫下車瞻拜徬徨卽銳意興復大力獨運首從  
春秋樓起以次創復洎三年壬辰公以循良冠河東今  
撫憲蘇公特 題陞平陽大尹承

天子命踵成前事公益鳩材庀工其用不貲經營措辦

解州全志

卷之十五

木州

藝文

十

運化若神甫二年而厥功告成不減於初嗚呼非常之  
功有待而成豈偶然哉余用是慨然於天人之際矣蓋  
百六陽九雖聖賢不能度此天定也盛德大業雖鬼神  
不能忌此人定也當其阨於數困於劫至遂

九重親顧豈非千載一時哉而邊抑掣肘卒弗克就徒  
悼歎於天之所廢誰能興之也有大力者出人見其不  
徵發不期會不動聲色而成此巍巍之盛事不知其誠  
一無妄之心寓於精明強固之內定識定力相輔而行  
智者不能謀勇者不能斷以至祝融回祿能乘機肆虐

至是若皆俯首聽命而不能爭一日之長噫盛矣哉既

襄事將勒石以垂不朽余謹記其終始可以仰答

聖天子禮神重祀之心可以克副大中丞知人善任之意且以告天下後世知古今大事盡在人爲豈得藉口於冥冥之中而悠悠以任重也哉至公之流風善政遍於平壤攀於解郡者自當銘之旂常耀諸史策茲不概及云

重修靜林山天寧寺碑記

前人

吾州有靜林寺在城西二十里中條山陰創自宋元祐三年爲州第一古刹寺右有羅漢洞後有凌霄閣在崇巖上紅臉溝泉自寺東偏山頂流遶而北寺四圍古栢

解州全志

卷之十五

本州

藝文

十一

成林間以雜樹叢集數里望之鬱然蒼翠夕陽射之圓影過峰半規入林皆陸離作金色不可名狀爲州八景之一所稱靜林晚照者也元至正三年曾加修葺歷今數百餘歲棟宇欲頹風雨不禁衲子日擊心傷謀重修者屢矣而卒不果雍正辛亥前州守粵東許公治解之四載政成化理百廢俱興衲子爰懇闔州紳士鳴諸太守許公慨然許允借紳士親蒞其地經營度量旣詳以悉遂捐俸倡先仍命緇流輩多方募化而底張義士任國柄先後助資八十兩爰刻期興工本年九月修大雄殿越次年正月修凌霄閣十一年三月修水陸殿九月

繪水陸神像董其事者茂才李子暉而効力奔走拮据  
襄成者實惟衆沙門閻黎也事竣問記於予乃援筆而  
爲之記時乾隆元年歲次丙辰七月下浣之吉

宜園記

陳時

園名宜以天下事惟義所在義者宜也余下車三載見  
夫解之士習民風素敦儉樸猶爲近古然而興利剔弊  
守牧之責他不具述如文宣廟之傾圮宜修也鐘鼓樓  
之倒塌宜建也以及戶口之編審宜增除也業已次第  
告竣迺於衙舍左隅相厥地宜捐資築垣啓宇名曰宜  
園園之內外水有故道發源龍山爰順其故而通濬焉

解州全志

卷之十五

本州

藝文

三

民間麥隴蔬圃皆資其利益科而進放乎園中因地卑  
下者爲東西二池文魚遊聚采蓮生香而池之兩岸宜  
樹者培樹宜竹者種竹宜花者栽花且舊有城址土阜  
蠹奇隱然邱壑余於簿書之暇稍憩息焉恍乎水流雲  
在景子美之高標月到風來想堯夫之雅致或士大夫  
來教我以政者倒屣而事賢友仁父老子弟有愛我以  
德者婉言而問耕問織若夫春宜養和夏宜滌暑秋宜  
迎爽冬宜避寒不過順序而樂此非以壯遊觀也園成  
顧名思義因敘其事之本末而爲之記時康熙五十六

年月日

蓋不朽之功有待而成豈偶然哉非積數百年之久則不一過幸過矣然非有人我一體之懷家國一理之視則不能引衆人爲一身體國事如家事而非仁心爲質引義慷慨則亦不能軫恤民財民力之艱而獨運乎經營况瘁之事解之州署在退思堂之後少西面由來舊矣有明孝宗時州太守趙移堂東西向取便一時然而非其正矣經今二百餘年守者輒張皇文具擾動里閭因仍成規快於襲功於身而遺艱於後人者數數然也前歲己亥秋恭遇州太守粵西陳公履任之六年政

解州全志

卷之十五

本州

藝文

三

成民安百廢俱興慨然曰以一州爲五縣之表而宅偏傾頽不蔽風雨可奈何爰按舊址構棟宇相其形勢權其大小以麗以堅雖周飭家事不啻也所費不貲然而不費民一錢不役民一力木石區畫悉屬公神明默運前後左右爲堂爲屋爲庭爲亭大小九十餘間又修建倉庫廨舍等處蓋未幾而輪奐重光告厥成工噫偉矣誠不朽之盛事也哉而且公之智達經權才堪肆應庚子春調赴軍前運糧進藏克襄底定平逆將軍等嘉公勞績移檄褒獎而且天助瑞雪挽旱歉爲豐亨非公之宇誠感召而能若是乎州人共戴公恩頌公德故因記

建署之功而並誌焉先是公構宜園繼潺湲均惠遺意在舊宅之前數武今擬舊宅爲官廳宜園爲考院尤見其區畫美備云公諱時字遜修廣西臨桂舉人時康熙六十年歲次辛丑仲冬記

重修關聖祖墓記

楊書

解梁爲漢前將軍壯繆侯關聖發祥地今常平下馮村聖故居也後人因其地立廟距里許入南山中爲聖祖石磐墓山脈蜿蜒羣峰環拱篤生偉人於是乎在余癸卯收茲土適坐城爲山水所衝余飭修之越甲辰三月而工乃竣土人執其役者咸請勒石以誌不朽余乃喟

解州全志

卷之十五

木州 藝文

四

然而歎曰嗟乎聖以年少經營天下周旋徐豫荆楚間垂老而歿於吳葬於洛數十年風塵擾擾曾不能以盃酒澆先人之塚聖之心得毋有恫然者乎况聖之力量爲民禦災捍患而不能保其祖宗邱墓不爲山水所衝聖益不能無憾雖然人亦有生平足不出鄉里幸全要領從葬首邱纍纍北邙誰識之者若乃黃沙青草或颯而爲田或湮而爲池又誰爲復之者獨聖祖墓歷千百餘載而歸然尙存旋毀旋補非公所默爲保佑以至是者乎迄於今馬鬣依然松楸無恙孫支繁衍饗祀弗絕聖亦可以大快於心而無憾者矣余獨怪世之稱聖者

曰仁曰義曰忠曰信曰智曰勇莫有稱其孝者豈知今日之捐金修舉非政之良也聖若命之趨踰從事非民之勤也聖若使之勒碑作記非筆之靈也聖若降鑿之凡中條北麓一卷石一撮土一風之號一泉之鳴皆聖精爽所式憑卽聖孝思所寄也豈惟是刀尖馬蹄之蹟如世人所傳云爾哉

創建直隸解州試院記

馬允邵

國朝定鼎廣勵學宮歲科兩試慎簡學使者按臨各郡選賢育英典至重也解與蒲絳昔日咸隸平陽試院舊稱南北兩棚北在平陽南在安邑溯昔南棚原建解州解州全志

卷之十五

本州

藝文

五

自明嘉靖乙卯地震傾頽暫移安邑歷年既遠循迹因仍闕記其由來矣

今上龍飛三年解與蒲俱改直隸由是兩郡皆建試院而解治獨缺旣非統領屬邑之規亦非道里維均之制且提調趨承有妨職守卽州試童子亦無定居非所以萃人文昭體統也州守孔公方在圖維未幾以艱去適州守許公以東粵名儒南安循令晉擢解梁修廢舉隆百度維新解紳士咸以建立考院請公毅然曰是誠守土者責也爰相厥形勢定厥規模擇地於學宮之左面條跨鹹卜吉式叶計費若干首倡捐資官屬士庶踴躍

樂輸因上其事於中丞石公方伯蔣公僉報可檄飭屬  
邑協濟隨選諸生中敏練者刻期集事鳩工庀材將觀  
厥成焉而公忽奉檄調任高都行之日解紳士方汲汲  
於斯事無主公亦惓惓於厥工未竟乃天假之緣幸值  
州守童公以畿輔雄才雲中別駕兼攝州篆下車伊始  
他務未遑首先文治卽以考院爲己任督工趨事未週  
歲而鉅工告竣凡爲正堂爲川堂爲寢爲軒爲廂爲書  
室爲庖廚堂前東西號舍茶房班房又前爲儀門又前  
爲大門轅門官廳吹鼓亭供給所上號聽事各房內外  
一切罔弗具備既完旣固輪奐輝煌巍然鉅觀矣是役  
解州全志

卷之十五

本州

藝文

七

也不費正供不勞民力而大功落成民無騷動地蔣文  
明詎非千秋盛事哉工旣竣將勒石以垂不朽因謹記  
其事以告來者見兩公之協力同心後先輝映其流徽  
於地方者遠且大也

增建試院記

介錫周

解州試院創於許童兩守規模已就體制未備是以學  
憲每年按臨仍在安邑舊棚屬邑道里不均士子苦之  
郡守彭公閩海名儒蒞解十載雅意作人歲乙丑奉文  
州試照院試例略加修葺士子稱便州人環顧竣事適  
貢生馬詒端介錫嘏各輸百金其餘共輸金三百有奇

爰擇諳練紳士董厥成功公復時爲督率計添建房屋八間門牕數十餘具號舍散者整之缺者補之公又念後無餘地捐俸另闢基址建尋樂亭堆石鑿池蒔竹種花蔚然深秀於是前後相稱體制克備蓋公之經理鴻才於茲略見一斑矣復構城西演武廳三楹平治馬道除砂磧爲康莊統計三閱月考院工程內外俱竣遂據呈通詳蒙報可學使者卽欲臨解緣安邑諸生援舊例求之乃札商中丞阿公建議安邑分棚係屬下邑該州請於州城另立考棚體制甚合安邑士民不得互相爭執至解州在安夏平芮間遠近適均應無不便撫學二

解州全志

卷之十五

本州

藝文

七

憲是之遂於乙丑八月二十七日學使者按臨解州觀山川佳勝試院尊嚴顧而樂之校試月餘矢公慎精鑒衡我公提調試事克當憲意而解州試院歷十有五年始觀成功乃知天下事謀始難圖成尤不易彭公功德固與童許兩公並垂不朽是爲記

重修城隍廟記

許日熾

城隍封號昉於漢初其御史周苛守滎陽爲楚所烹高祖卽位憫其忠烈令天下郡縣各建城隍廟祀之其義蓋取諸職司城池保障一方云自漢及今歷數千年解治爲縣爲州爲軍代有變遷而廟隨城建未之或易明

洪武初釐定百神五岳四瀆同時更正城隍封號並載  
祀典我

朝因之歲有祭享亦甚重矣解之城隍靈最昭著每逢  
雨暘不時疾病災祲齋誠虔禱靡求不應神之赫濯通  
國皆知其所以默佑吾解者幾與兩大同功歷年來風  
雨剝落屋瓦疎漏急需修葺念荒歉之餘未遑鳩工迨  
丙午年歲稍豐僉謀興葺經始於丙午孟夏訖工於壬  
子仲秋閱七歲而始獲告成共費二百七十餘金工旣  
竣鄉耆趙文煒等謁余請記余惟天下建設官吏不可  
勝數而爲天子親民之官莫如守令天下布列名神不  
解州全志

卷之十五

本州

藝文

六

可勝數而爲上帝親民之神莫如城隍然守令治其明  
神治其幽守令之職能治其所及治而不能治其所不  
及治者神獨治之故民有是非之求直冤抑之求伸陪  
於死亡之求活者咸於守令是呼若夫旱澇之不均疾  
疫之頻興阨於災害之無如何者則於神是禱由斯以  
觀神之有關於地方也大矣况今  
聖主在上庶司奉職百神是饗而神有不殫厥攸司昭  
顯厥靈以大其保障也耶是爲記

藝文

重修關廟志序

國朝 喬光烈

以大而聖以聖而神神則昭乎古今尊於天下要其道一本諸誠易稱聖人齋戒神明其德誠之謂也漢壽亭侯關聖顯當時而神後世耀光炳靈赫著千載

本朝隆崇禮祀之典尤爲極盛世之論聖者皆曰忠義予特以爲忠義固聖之大雖然要未足以盡聖夫天下有聖賢之學有豪傑之資聖賢遠異於豪傑豪傑不必其聖賢至如聖者所謂豪傑而有聖賢之學者也聖賢

解州全志

卷之十六

本州

藝文

一

之學存其心者無私養其氣者以直是以至大至剛而配道義夫無私而直誠之謂也天地以誠而四時不忒日月以誠而貞明久照與夫山岳之所以峙江河之所以流莫不一本乎誠聖賢去私而存誠故能與日月齊其光山海同其量以予觀聖生平其浩然剛大而常伸於宇宙者非聖賢而能若是乎凡入之心私則僞僞則無以動天地而感鬼神誠則貞貞則有以契昭融而貫金石在易之中孚信及豚魚言中誠可孚雖豚魚之無知猶將格且應焉况含齒戴髮屬在人倫者哉聖之大節備於史書至今讀之者無賢不肖相與感慕而畏敬

何也亦以其誠使之然也或者尊聖並於孔子雖不必爲定論然而聖賢之學在焉宜其久而愈神被於天下者其盛如此聖解人也先是州人有爲聖誌者歲月旣多其鐫板率就蠹落今州守張君重輯之旣成以質於余余嘉張君之賢能勤於斯舉也因備申其旨而敘之

開濬涑水姚暹渠議

前 人

河東所屬之蒲州解州有水道二一曰涑河一爲姚暹渠二水始導於隋唐之世其來甚久雖非大川鉅瀆然其爲利害於蒲解者所係實多圖度始終誠不可不早計蓋河東中條一山自永濟縣風陵渡東至絳縣之橫

解州全志

卷之十六

本州

藝文

二

嶺關綿亘四百餘里山峪諸水支分流滙一發於橫嶺由東達西歷聞喜夏縣安邑猗氏臨晉以至虞鄉入五姓湖由永濟縣歸於黃河是名涑水若姚暹渠則源夏縣之王谷口亦由東達西歷安邑解州繞大小鹽池外亦至虞鄉入五姓湖由永濟縣歸於河涑水在北姚暹渠在南鹽池又在姚暹渠之兩明代自成化至嘉靖中爲鹽池計數治姚暹渠又改穿涑河行道然興罷不常訖少良法以後相傳及於

國朝唯隨時苴補視其壅潰疏築而已唯涑水性渾濁伏秋漲作挾帶泥沙滯闕尤易而暹渠水性清長切近

鹽池每相浸溢舊設南北堤堰以防衝潰自乾隆十年  
河渠水怒發數縣民田多被淹沒前河東監司常請興  
修久之不行及今又且十歲涑渠淤塞彌甚而五姓湖  
爲其尾閘者閉涸漸積歲月已深半爲平陸是以比年  
七八月交時雨盛作卽泛溢不止凡涑渠所經諸縣非  
特不能沾水之利而反被水之害其永濟之榆林趙義  
十里諸村民田數千頃悉被淹沒至斷道路民皆築堤  
水上以行爲困尤極且不但然也竊常覽其情形思其  
究竟其爲可慮有甚切者涑水至猗氏崔家灣南與虞  
鄉邸家營接河高地下水冲決口不循故道折而南趨  
解州全志

卷之十六

本州

藝文

三

又以暹渠堤岸亘阻其前涑無所歸致虞鄉邸家營曾  
家營土橋石橋牌首棗圪塔諸村及解州西王等里落  
皆其游波之所屯潛每歲涑當暴漲一切田廬往往蕩  
沒數十里間竟成澤國且懼水勢勇猛潰裂姚渠南北  
堤防則倒灌橫衝勢難遏禦解虞城郭及夫大小鹽池  
其危險更有不可言者此涑水姚渠之宜急爲修治有  
斷不容緩者也日者因知解州韓桐以是爲請卽會河  
東官吏躬赴河渠詳加履勘又飭蒲州府及解州知州  
再三商度詢謀僉同前經條說繪圖上告執事夫古言  
利不百不更張誠以率作興事之難重土功而惜民力

今以涑渠濬治宜否問蒲解之人以爲當然莫不踴躍則舉順輿情無所勉強利一也興修役繁必需財費而向時涑水則資民力開治姚渠則資商力疏通舊例俱在無費帑金利二也當農隙之時及期興工同力共舉不過兩月即可竣事無妨耕作利三也昨以歲多靈雨猗氏解州各境高阜之區幸免涑患其灘窪卑地上則曾家營諸處下則趙義等村至今積水未消濬而疏之俾浮潦盡洩則田疇被浸者畢出人可佈種且令將來伏秋二汛設有異漲歸槽壑亦必順速當免如前時積滯不去之害利四也五姓一湖舊本多魚民資爲業

解州全志

卷之十六

本州

藝文

四

自堙閉者久而網罟之利亦失今並疏之旣以爲涑渠之委且湖水曰盛魚蒲必漸饒因使數縣貧民得藉爲生活計利五也涑水旣治使民得從岸傍分引其水資灌溉度可澆田至千百頃利六也或言明時涑水西流直入河地得其潤故人多殷富而科第任宦稱盛今蒲視昔不及十之二焉涑疏而後西流如故使復其地脉以阜蒲之人利七也計先事之綱繆見所利之如此敢冒昧具陳

姚暹渠請照例商脩免用民力議 沈 棡

案查乾隆二十六年前鹽院薩奏請借帑大修姚暹渠

案內附錄運使議詳有每年秋冬農隙查明渠底淤澱之處飭地方官傳令南北兩堰附近居民出夫挑濬運同按工給發半價一案今准運使來咨業已通詳請飭挑濬蒲州府楊守又會同解州言牧聯銜通稟語近推諉本道隨面詢地方官開濬姚暹渠同係

朝廷公事何必過分吟域以致彼此稟詳飭令妥協辦理據各該地方官回稱姚暹渠爲鹽池之保障向來從不派撥里民開濬歷有奏案可查且與沿渠居民田廬實無干涉如上流夏縣五里橋至安邑劉家新橋地高渠下水不能泛溢又自安邑劉家新橋歷解州虞鄉縣

解州全志

卷之十六

木州

藝文

五

兩岸土堰高厚渠水隨漲隨消從無姚渠水發成災之案今以與民無涉之渠身一旦累民半價歲濬恐滋事端且渠水挾帶泥沙易於壅滯向聞鹽務衙門承辦開濬工程甚鉅去冬勘估淤澱處所因值凍土難濬今春復赴查勘卽與原估情形有異年年淤澱需濬民力實屬難支等語本道伏查乾隆二十六年前鹽院薩原奏內有嗣後逐年挑挖姚暹渠淤淺之處臣卽移會撫臣熟商妥辦之語是歲濬渠身可否半借民力之處尙須臨時商辦且查鹽院薩同摺奏請之挑挖黑河一事隨經奏明停止今以與民無涉之渠工貽小民每歲無窮

之若累所關非細再查上年估報一百一十五里渠身  
僅需半價七十四兩有零在鹽務衙門亦知民辦伊始  
民情未洽姑示工程有限可以通融從此每年照辦責  
令深通工程勢必歲增將來商捐大脩反得委卸損民  
益商似未平允可否仰請執事移商鹽院仍照歷年奏  
案商修姚暹渠民挑涑水河成例將姚暹渠仍歸商辦  
以省民力以專渠工出自鴻慈本道爲慎重民力起見  
且恐章程未定將來地方官與鹽務衙門彼此牴牾亦  
於政體有關爲此具陳伏惟鑒察

重修解州城垣記

韓桐

解州全志

卷之十六

水州

藝文

六

聖天子御極之八年軫念承平日久直省府州縣城垣  
或有墮損令封疆大吏勸驗題請發帑繕修於時晉撫  
憲酌請山西城垣之宜修者而解與焉遵部佑計甌甃  
工役等費可七千餘金有成議矣嗣遵通省輪修次第  
期於乾隆甲戌起工十二年余自平定調解下車時見  
城闔傾圯心竊憂之不數月州之紳士耆民具呈請修  
略曰州城之設由來舊矣考歷代之修率用民力我

皇上至仁如天湛恩汪濊有加無已蠲免則各省輪流  
偏災則多方賑恤屬在子民共沐雨露之恩宜效涓埃  
之報況解城舊例十六里各定分修尺丈永刻城牆昭

然共睹且斯舉也實屬取之豐裕並不累及貧寒伏祈  
俯鑒下情轉詳上憲則答

皇仁固封域協衆志嗣前徽悉於是乎賴余廉其誠爲  
之詳請各憲恐民之滋累也再四飭馭委員查勘稔其  
誠而後題請

俞允焉當是時解之士民有資者出費有力者服役卽  
前未經有分修尺丈者亦各具呈請分綿綿翼翼如雨  
如雲昇畚荷鍤父詔兄勉未及一載而故者新廢者起  
垣墉隄峻雉堞巍峩猗歟休哉所謂佚道使民者非耶  
所謂經始勿亟庶民子來者非耶非深仁厚澤浹洽民

解州全志

卷之十六

本州

藝文

七

心曷克有此余因之竊有感矣夫爲上爲民學古入官  
疇無斯志顧格於事勢願與過違者往往而是今也生  
堯舜之代官虞夏之鄉以宣上德則有孚惠心大化翔  
洽矣以達下情則利用大作風俗淳古矣藉閭閻之愛  
戴抒臣子之微誠馨鼓無煩金湯永固俾後之觀者僉  
曰疆域之宜畱心也如此民情之宜鼓舞也如此成規  
之宜接踵而整頓也如此詎不盛哉詎不快哉至於十  
六坊舊分尺丈仍循前例鐫之瑣珉以示不忘先民之  
程焉時乾隆十二年月日記

書院之設與學校相表裏皆以培養人材儲爲國用顧學校之取數也多歲科兩試例有定額書院之取數也精必拔其尤而教之解梁書院舊在州治北原創自前明呂涇野先生年久頽廢遺址鞠爲茂草我

朝崇儒重道雅意作人屢飭直省州縣創立書院以揚聖教以培文風久已垂爲令典丁卯冬余奉

命來牧是邦卽思振興文教適值年歲海荒城垣半圯方求濟民食而奠民居未遑也歷年來次第籌畫庚癸不呼保障在望矣乃詢謀紳士得崇寧坊張氏舊園一所價值四百餘金售舊院基十畝置之詳請上憲俱蒙

解州全志

卷之十六

本州

藝文

八

許可特是久經荒廢之區尙須急爲修葺而房舍未備體制弗合非所以重文事也園之西相其形勢南建講堂五楹中置過庭北窰仍舊爲掌教燕息之所東西肄業房各十六間兩旁分列此外廚廡蔬園無不具備其東院屋宇尙存飾而新之惟上下庭相去稍遠中間建宜亭以通其氣以束其脉船房前砌山修池方廣無幾具有別况轉角庭後增東北房五間又創文昌奎星二閣主曜文運合計兩院九十餘間仍擇州之謹飭老成者董其事余亦不時稽查往來商確高高下下或因或創頗費經營始於辛未初夏至壬申季秋而竣厥工約

費一千五百金有奇仍顏其額曰解梁書院由是觀其規模儼然宏厥察其體勢肅然整齊也卽幽折閒雅之地亦足益神智而怡性情當代名公巡遊所至率多題詠河東人文之藪其在斯乎又念膏火未定而盛事不宜久懸今歲仲春余捐俸延師選運解六學英才教育其中每逢課期必館穀焉科試選拔多出門墻其地靈人傑之始驗歟侯議捐既定事有成局再爲勒名碑陰以誌不朽爰進諸生而告之曰解地古稱名郡條山踞其南涑水潑其北安夏平芮四邑環而屬焉自軒轅御世風聖挺生嗣是夏大夫以直諫顯巫咸傳說爲商賢解州全志

卷之十六

本州藝文

九

相由周而後歷漢唐宋明鍾靈毓秀代有偉人關聖精忠大義遠印尼山司馬溫公旋乾轉坤立變新法他如段干木之高節柳宗元之文章曹於汴之理學後先相望炳若日星諸生幸生文獻之邦仰止前型心切嚮往本之六經以探其源流參之諸史以識其治亂講求乎修己治人之術貫通乎明體達用之全樂羣敬業尊所聞而行所知處則則古稱先可樹儒林之坊表出則經方致遠堪作

聖世之棟梁大上立德其次立言立功安在古今人不相及也若但云揣摩時藝弋取榮名以爲富貴之階梯

豈余所以造就多士之意哉

重修解州關聖廟記

言如泗

國朝文武二廟並重闕里解梁皆先聖發祥地廟貌尊嚴祀事孔肅顧文廟在郡邑民間不得專祀惟武廟遍列中外忠義精爽實足以攝人心而風百世密邇桑梓祖壠歸然家尸戶祝亦固其所州西門外大廟創自宋祥符間康熙壬午回祿

聖祖西巡特發帑金修復舊制

欽頒御書義炳乾坤匾額

世宗踐祚恩綸載沛追封三代爰及苗裔世襲博士

解州全志

卷之十六

本州

藝文

十

今上龍飛以來正諡加封歲給祭銀典禮克崇幾與孔林埒守土有司遠溯神功仰承

聖化聿昭誠敬庶上以事神卽下以治民乾隆十八年知州韓桐來守是邦築城建學百廢俱舉而於 聖廟

尤致力焉督率紳士共襄斯役增修廢墜規模大備惟廟南結義園有志未逮如泗承乏厥後補苴經費鑿池建閣俾四方人士瞻仰之餘憇息有所而大功皆韓牧一手運籌者也竊惟山川雄偉奇傑之氣磅礴鬱積風

雲蜿蟺則必篤生偉人以扶持世教振動人心自古忠義正直率爲姦邪所陷其精英不可磨滅往往屈於一

時而伸於萬世聖爲解產解地逼近中條涑水嵯海廻  
環縮結而又大河繞外砥柱當中山雄水濶地脉鍾靈  
亘千古而生聖一人其雄勁濶達嶽峙淵渟適與山川  
形勢相肖且聖爲夏大夫龍逢後大夫以直諫被禍林  
墓近在安邑世澤貽麻克昌厥後天挺神武再造漢室  
忠肝義胆一脉流衍水木本源有自來矣所謂明德之  
後必有達人天不變則道不變中條涑水當與東山泗  
水同其高且長可耳我

朝以神武定鼎同符合德以故聖靈應丕昭屢徵顯異  
而解廟實聖粉楹在天之靈默默憑依宜乎典禮優崇

解州全志

卷之十六

本州藝文

十一

度越前代凡我有位職在典守何敢不敬謹將事無曠  
厥官仰答神貺如泗以賢蔭起家守聖故里作令時曾  
爲韓牧屬吏目擊締造維艱廟工告竣伐石未鐫何以  
示後謹盥手恭記

重修結義園記

言如泗

解梁爲關聖故里常平祖墓歸然廟在州西門外南峙  
條峰北環嵯海山雄水濶誠勝區也廟南有園左右蓮  
池前爲君子亭林木蓊鬱池泉清澈頗有幽趣遊人於  
茲憇息焉後建結義廟三楹左關右張中位昭烈遙與  
大廟相對余涖州瞻謁心竊不安者久之粵稽三國本

傳昭烈爲平原相關公與桓侯爲別部司馬聖統部曲  
與二人寢則同牀恩若兄弟而稠人廣坐侍立終日桓  
侯傳又稱關聖年長數歲飛兄事而已結義名稱非古  
也矧君臣分定並坐一堂又君廟北向臣廟南向神其  
安否余進州人士而正告之桃園結義正史不傳其說  
夫以異姓不啻同氣友恭推及朋儕關聖一片丹誠同  
心戮力共扶漢室始終不渝不特可以風後世之爲人  
臣井可以風後世之爲人弟爲人友者其說至今存可  
也師其意不妨留其迹爰撮像繪圖彷彿當年微時景  
象井重構數楹勒石於內題額曰結義園俾四方人士  
解州全志

卷之十六

本州

藝文

十一

憇息之餘瞻仰儀容肅然以思爽然若失則斯舉也寧  
惟是神人胥安而敦倫飭紀維持風化亦於是乎寓也  
是爲記時乾隆二十七年五月吉日

創建文昌祠文筆峰合記

言如泗

條山如列障內蔽三晉其自筆架峰而下風鬱雲蟠滙  
爲州治而文廟在治東南櫺門洞闢敞接山光蜿蜒靈  
淑之氣於是乎萃歲壬午余守解梁謁文廟進諸生而  
考之且諭以 國家治化日新人文蔚起諸生爭自濯  
磨無負

聖天子教養至意又恐其荒於嬉也修學舍以振起之

闕書院以訓迪之士氣蒸蒸翕然不變又恐無以發其  
光而萃其秀乃建文峰於條山之頂祠文昌於巒序之  
間邇悅遠來早夜畚揭不匝月而告成噫何其速也按  
天官書斗魁戴匡六星曰文昌宮所謂司命中司祿  
者咸隸焉星經言文昌六星在北斗魁前其占黃潤光  
明則吉不言有神以主之也天皇會通詳載文昌位於  
斗之上文命敷於四海法文昌也意者 國家文明之  
運寢昌寢熾下以是感上以是應杳冥中實有以司厥  
契者如世俗所傳梓潼神則又姚萇時大將張亞子非  
文昌之謂竹垞老人辨之最悉而文昌者瑞應星垣權  
解州全志

卷之十六

本州

藝文

十三

衡桂籍洵乎可以廟食庇廕而爲士庶所欽崇矣且夫  
解之爲州英賢輩出關聖以精忠義烈照耀古今厥功  
偉矣而史稱其少善春秋是則武緯文經不可偏廢後  
之生是邦者沐

朝廷之德澤緬前聖之遺風雖欲不卽於文得乎然則  
祠與峰之告厥成也豈徒點綴山容增一州壯麗已哉  
城之隅舊有文昌閣余並高而大之東城有樓貌魁星  
以鎮之自是而挺者爲峰翼者爲閣蒼然者爲樓蔚然  
而深秀者爲文昌祠飛甍碧瓦高下相承山川鬱積之  
氣庶其助我人文乎余乃樂而爲之記

創建功德祠并茶亭記

言如泗

功德祠者何紀善也何善乎爾善其能致力乎關廟者也關廟在州城之西形勢宏敞規模巨麗歷宋迄今旋毀旋復帝之神靈固足以震攝人心歷久常新而往來仕宦與夫邦人士維持保護之力亦偉矣祠向在廟中混雜逼處非敬也所祀者或紀或遺非報也祭享缺如非勸也余守解之明年乃卜地於結義園東演武場西斜連帝廟相爲犄角統計門楹若干正室若干後宇若干刻木爲主大書銜名罔有弗備而戊日大祀撤饌以奠之俾得邀帝餘惠焉獨念地當秦豫孔道輪蹄絡繹解州全志

卷之十六

木州

藝文

十四

凡有事乎解者必晉謁乎廟中饑渴勞頓心焉憫之乃卽祠之前楹改爲茶亭以休行旅後奉大士像十二借庇慈雲與帝之神威呵護永保勿替且係侯氏世守自五龍峪遷構於此因而不革從其俗也祠旣成問記於余乃卽紀善之意以示將來俾勒諸石時乾隆二十七年歲次壬午十一月吉日

常平里創建關聖祖廟記

言如泗

常平爲關聖故宅廟貌歸然東距安邑玉鈎山夏忠諫大夫諱龍逢公墓四十餘里南對條山石磐溝祖隴裁一里許忠魂毅魄於是乎萃我國家欽崇義烈追封

關聖三代爲光昭公裕昌公成忠公載在春秋祀典罔敢或懈乾隆壬午如泗奉

命守聖故里城西大廟增修完備是歲十一月三日聖顯異示夢以手指地似有欲言明夕復夢兼捧一塔覺而異之親詣常平見廟左有塔塔下有井相傳聖父母避難瘞葬處所有司春秋展墓後則致祭於廟西庫屋中非所以慰聖孝而崇先烈也環視廟中見寢宮後基址嶮然兩廡材木瓦石全積乃知康熙四十一年議建祖殿曾築臺基因大廟回祿未獲興舉乾隆二十二年前守張公甫經購材仍復中止如泗瞿然以爲聖心垂解州全志

卷之十六

本州

藝文

五

注夢兆有由敢弗仰體孝思續成前志因卽舊基創建祖廟中祀

勅封光昭裕昌成忠三公配以三代聖母並祀忠諫大夫以爲藝祖不特忠肝義膽一脉流衍崇祀一堂後先輝映且禮以義起庶幾於古者報本追遠之禘制以逮我

朝崇德報功之盛典似有合焉而關聖在天之靈諒亦降鑒在茲也然則世之稱聖者曰忠曰義曰信曰勇莫有稱其孝者今也松楸無恙桑梓依然明德維馨孝思不匱歷千百年而瞻故宅仰新宮如見公世濟忠貞同

符合節焉卽無夢兆猶將揀築以寓羹牆矧默啟在杳冥中哉如泗以先賢蔭守晉有年敬宗尊祖備官其敢忘諸從茲駿奔祖廟孔慎且肅教孝教忠吾民有觀感興起者聖澤留遺何莫非歷祖開先常平一里與條山巖海流峙千古可耳時乾隆二十八年三月吉日

文筆峰頌

杜若拙

皇上御極之二十有七年函夏寧謐文治光昌

天子坐明堂恭已無爲垂衣裳而治內外臣工咸奮庸熙載庶績其凝惟我牧伯言公先是以文學賢裔奉

命來晉歷典邑郡聲績不著撫軍大臣暨憲司皆薦公

解州全志

卷之十六

本州 藝文

十六

治行爲最

帝心簡在將有不次之擢而公遠以請養歸越數年復簡蒞吾解下車一載政通人和思解爲河東舊壤表裏

河山在昔人文稱盛而州治居中條之麓南面三峰起

伏形如架筆地脉所鍾式昭文明之象宜培而高之因於其中峰卜建一塔矗立千尋儼然文筆飛來天外是

後也因利酌便撤山半廢祠用其甃甃毋勞民毋傷財非同綴景觀遊實有裨文運拙白媿輪材久承公遇庇

茲宇下將載筆以導揚其盛而不文之詞懼滋褻越竊

惟物以賦顯事以頌宣又紀功耀德則有銘頌謂能使

之歌咏傳於無窮遂謹撰次頌言四百一十六字雖不敢輒附古人而於公之德意盛舉亦庶有所述焉頌曰大河之北中條之阻拔山通澤作我邦所

天眷西顧維股肱疆誰撫黎元遠勞一方洪惟我公支學之裔學道愛人君子愷悌乃膺

寵命阜蓋朱旛提封四邑古岳牧尊下車伊始悉心致治掃除煩苛矚民孔易惟威惟明惟德是崇虞封禹甸其風融融旣端厥型用訓厥俗有美蔚然菁莪棫樸春明晝靜戶誦家弦霞飛桃洞葩燦鹹田還念我解昔稱文數名德相望光凌星斗顧茲治所南山維屏突兀三解州全志

卷之十六

本州

藝文

七

峰萬古青青維中獨聳左右拱揖誰架珊瑚成此奇格我公曰嘻是居離宮天兆其象人文所鍾曷召厥工是營是度繼長增高勢宜崖巒爰撤廢宇運甍重岡事半功倍民無徬徨有削者巔有層者級靈塔忽湧雲外矗立峨峨喋喋幻出芙蓉天錫文筆飛來一峰南溟作池沆瀣飲汁楮剪尉藍綠沉竹漆笑彼青鏤奚翅如椽燕毫許穎直拂霄烟其光作作

皇家瑞鋒豎蒼發雲蒸霞蔚江郎五色白也生花席珍應聘敷爲國華音聞鄧山靈迹應見七寶鏤空其說荒幻何如我公治溥沐光培茲地靈文運聿昌翳余下里

辭慚吉甫仰際斯盛忭忻起舞公之治行久達

楓宸爲霖雨相爲柱石臣濟濟多士儼承德造胡不遐  
福載賡天保荒詞謬播永垂千秋中條巋然河水湛流

解州全志

卷之十六

本州

藝文

六



賦薄徵夫外萊隨嶺嶽天並于楚中

海氣盈懷雨沐爲此示

創修州志序

明林元敘

解故名郡缺志實守者之責方圖採輯諸生曰呂敘諭孟堅嘗手編若干卷藏於家累白之前守未得成書蓋有待也亟取閱之顧所編弗程弗備弗懲勸雖然非此則又無所於徵以資參考其用心亦可嘉已簿書紛紜久而未就適吾太史呂涇野先生以謫至乃欣然曰茲蓋真有待也一邦文獻自此足徵矣遂束而歸之旣而郡大夫秋官程君鞏固請太史乃不讓幾閱月而書成凡州之建置山川上田戶口風俗人才文章紀載無遺其文雅其事核其類倫以辯誠史筆也故嘗謂集天下解州全志

卷之十六

本州

藝文

九

之事有三數也幾也本也非本弗立非數弗行非幾弗成解在前朝爲軍爲州或爲縣入國朝定建爲州而其屬凡五縣百六十餘年中間非無良守貳而數百年不可泯之文獻至是始章得非數乎予方有事而太史至得假手焉得非幾乎權衡定而去取公是非明而倡導正樹之風聲匪徒紀載而已非有本者而能爾乎解志自今可達四方傳後世矣嘉靖四年三月日

纂修州志序

呂 柟

予至解數月秋官程君萬里率解士夫同州守林君典鄉來曰解志敘諭呂孟堅雖嘗采輯然尙未備且嚴也

茲惟涇野子托焉未幾巡嵯雷石盧先生亦曰判官可  
輟民事以具一方文獻柎乃使解之二三子分門纂錄  
或訪諸巖谷質諸耆宿徵諸史志彙且半今年春內贊  
先生潛江初公巡嵯繼至亦若雷石子之命判官也且  
下檄同知張君敬之令以州之無礙官貴爲工食費解  
志因賴以就夫解轄五縣據條山撫嵯澤雷首之所盤  
抱黃河之所浸匯乃堯舜甸服之地神禹建都之邦畢  
陶稷益之所治風后龍逢巫咸傳說之所產也然往稱  
沃饒而今多彫敝舊號時雍而近不免訟鬪但敦樸勤  
儉之風猶或存焉斯志之作豈爲工文而務博實欲舉

解州全志

卷之十六 本州 藝文

三

古以化今然風之自則在仕乎其地者以續畢陶稷益  
之政俗之成則在生乎其地者以求風后龍逢巫傅之  
學也志凡二十二篇州歷序因革也州志稽建治也職  
官先統馭也官之所統有人故戶口次之又有土故田  
賦次之中條山其解之鎮乎凡山皆由是出焉解鹽池  
其解之川乎凡水皆於此關焉是故物產可知也州貢  
可興也禮俗可明也兵匠可壯也書院可崇也亭閣可  
樂也祠祀可修也不見古之爲政於斯者乎故官師列  
焉不見昔之起家於斯者乎故人物列焉然皆由選舉  
而出之往者不可考近者則章章也故選舉列焉斯其

賢邱壟猶存而宰木尙拱與條山爭峻大河競長也尙不可爲勸乎故陵墓終焉其校正訛文則學正周君文中云嘉靖四年七月日

纂修州志序

呂子固

古者有國必有志紀厥由也解州古解梁地東距垣絳西接蒲阪南枕河曲北涉汾水實郇魏虞芮之墟舜禹故都也歷代沿革不同國朝仍建州領縣五夫解梁在昔其形勝若此而今之廣袤又倍矣其建置山川文獻風俗土產貢賦不可不紀舊志散亡無所取徵宏治末州守金臺趙公謂余曰天下郡邑皆有志解與蒲絳鼎

解州全志

卷之十六

本州

藝文

三

列古名郡也獨無志焉此士君子之恥誠缺典也先生謝事林壑鄉邦世故聞見必素其纂集之刻梓以廣其傳余承命不敢辭其事蹟出於古者據山西通志平陽舊志及境內文獻有徵碑銘所紀者悉采集之出於今所見聞者亦附錄焉然集未就緒而趙公遷正德間太守高密李公衛輝李公貳守天津彭公京兆龐公悉欲校正刊梓亦以遷去未果噫抑孰知是書成之難者有所待也哉嘉靖癸未南江子林公守解下車首訪閱是集慨然欲壽諸梓慮無秉筆者以訂之明年適太史涇野先生謫解林公深幸筆削有人遂率闔郡士夫懇求

之涇野先生曰志解之史也吾解之官也修集誠吾之事也乃援筆旁搜數月而成嗚呼是書也微而顯辨而理敦世教關民俗示勸而寓懲雖古史果是過哉又得江陰周掌教校正之則文無訛而傳斯顯矣余病且老得見集之成廿載之懷至是始釋焉後之目是書者吏憲其循士師其哲民襲其朴庶無負於太史亦慰望於老夫云嘉靖四年七月日

校正州志序

周冕

古郡邑皆有志以紀事猶國之有史也解爲神禹故都河山環帶亦中原形勝之地國朝取而州之統轄五縣解州全志

卷之十六

本州

藝文

三

其治亦廣矣迄今百六十餘禩志寂無聞誠缺典也郡人呂孟堅嘗纂輯之亦其大概耳嘉靖癸未林君典卿來刺是州欲脩之而弗果甲申秋翰林脩撰涇野呂公因抗疏左遷於斯鄉大夫士躍相賀曰解之文風自是振矣今日之急者志其先乎衆遂懇乞以肇修之公弗辭乃旁求約取叅極羣書不數月而稿脫命冕以較訂之將以壽諸梓愚弗敏凡所疑貳悉請質焉校閱之餘充然若有所得其文簡其事核其州縣之沿革山川之源委以迄人物之盛官師之良禮俗之善凡載在是編者靡不各極其精且備嗚呼盛哉誠解郡之史也將亦

晉之乘楚之檣杙魯之春秋乎竊又論之昔潮地混於百粵人不知學退之謫於潮而多所製作以爲化導潮遂以聞稱爲善治柳地雜於諸夷堯舜之仁不能柔也子厚遷於柳益刻意爲文以化夷而柳亦因以稱幾埒於中國今解固非潮柳之比而公之情思實有同於韓柳二子而其才節則又超然出乎其右者也宜其遷解也始至而士宗之未期而民化之鄉約有要也蒙訓有稽也諭俗有言也士習丕正而民風丕變也挽末俗而回淳古之隆視潮之因韓以聞柳之因柳以稱又大徑庭矣噫斯志一出非特稽事考俗有所取徵必將聞於解州全志

卷之十六

本州

藝文

三

月日

重修州志序

國朝 陳士性

志者紀也紀其山川原野城市廟社與夫人物產彙之奇官司德政之美臚而悉之示不忘也前此者有書矣顧歲月經久事迹遞增况復兵燹之餘文獻不無散失莫爲之後將遂湮沒弗傳作者嗣起其曷取衷焉我朝定鼎三十年修舉廢墜典章服物咸與更新吏治民風赫然丕變今

天子崇教右文期於一道德同風俗倣古採風遺意令

諸郡縣各綜載述具獻方聞蓋將以考正淫辨奢儉定一統之輿圖垂同文之長治甚盛舉也竊揆尊王之義昭代所著自當獨成一書特以時有興革道無古今方之作史記事編年必循其序無序則殘缺失倫難言典要是用檢稽舊本訪質聞人解之縉紳士子僉以澗菴馬公淑援州學廣文姚君吉人對士性造廬請於公公慨然允諾爲搜羅考究參訂折衷校已往之魯魚綴後來之遺軼始輿地終藝文別類分次共一十卷計三闋月事竣請筆削於子子思微顯闡幽志聖賢者之事也稱先則古司教化者之心也閭里之趨尙於是乎憑庠

解州全志

卷之十六

本州

藝文

十四

序之訓行於是乎寄其詳其略詎容忽諸然而少長東南所有見聞非由親炙罔敢附會必以邦之士大夫爲斷僅從章句之末綜其義旨而加潤飾焉至統轄諸邑其詳尤不可盡聞多闕疑以俟彼獻老云按解志草創於鄉孝廉呂公子固嘉靖初呂涇野公構判是州始有專集涇野理學名儒才識高邁筆則筆削則削學者莫能贊辭揆厥大指不離忠孝節義者近是其序次論斷肅然一軌於正故百四十年來解人尊如著蔡然無敢纒而述之者士性生也晚披其帙如見其人誦其文如承其教所經手定載錄勿遺又得馬公鴻筆若孟堅之

於子長後先作述無忝嗣徽是役也予與周旋既久參證皆確爰合舊本連彙成編且公諸刊布俾斯人羣知信從以仰副

天子一道同風至意異時

天子從容流覽嘉其大指凡在郡縣之承流者咸於解乎取衷焉吾知忠孝節義蒸蒸乎滿天下也則是志之有裨於隆平豈淺鮮哉康熙十二年十月日

重修州志序

馬淑援

解志於明嘉靖初編自呂太史涇野先生久矣鮮有繼者後百四十餘年喬太史肖寰先生方圖重修卒不獲

解州全志

卷之十六

本州

藝文

五

竣惜哉有志焉而未之逮也會奉檄行天下郡國咸修志書蓋昔之史與詩既爲終始厥後乃志與史復爲表裏誠爲要典而州守陳公獨遵依惟謹偶晤轍屬以修志余亟辭而推諸名夙而公仍諄致者數一日辱過廬託前事甚懇自維謏陋何敢認附兩太史後忽憶數日前曾夢見兩先生與之語曠世相感而遙集一時殆非無端且韓子不云乎莫爲先美弗章莫爲後盛弗傳則著述固後起者責也抑亦何容諉焉爰取舊志三復之深歎備物章軌述往憲來在前人洵博以詳而後之操觚第概從約畧似爲簡要顧上下古今其博者不必徒

約其約者不必徒博宜詳者不與俱畧畧者不與俱詳此非漫無折衷也歷下子曰志也者志也志其事也欲善之以有所取義固作者志也余豈能竊比作者思前所損益審定不易後所出入更極難慎不至繁亂寡當疎忽負戾可耳皇然以懼如不得已而絕無所爲於其間將未墜而有待者或在斯乎此外採輯所不及散佚湮沒不知其幾猶慮不備而終望乎後之補之云爾是役也完舊章副新令凡共事者與有力焉余不過籍以報命而已亦何自用之有要總裁自太守手定始鉞木成帙直道具在筆削莫贊若卽法爲誠以旌爲別大義可概觀矣嗚呼沿革者時與地也得失者人與事也好惡者情與法也勸戒者道與教也衡得失則好惡當而情法備矣公好惡則勸戒至而道教彰矣辨人以著可以識世正性於微所治者遠故志不惟可史而兼可詩誠曠然遠覽念分土立治之攸係國計民隱之相倚以至學校官禮之隆替俗尙人才之升降德功文章之本末天地萬物之常變跡其得失一歸人事而不以爲偶然或推引而斷抑采陳以觀晉乘何如魯史之修魏國猶在唐風之列而今而後其必有鑒於斯也夫其必有與於斯也夫康熙十二年月日

志不可不博綜也尤不可不約取不博綜則無以廣聞見而或失則狹不約取則無以精鑒衡而或失則窳狹也窳也均無當於志也夫志可以辨天文察地理稽人事類物情典綦重矣况解郡歷禩綿邈分合靡常初地屬虞夏畿內則繫虞夏者當志已分置縣則繫縣者當志已合置州則繫州者當志已置州而合統五縣則分繫五縣者又當志已若於此網羅故實未能悉備而不謬得無有放失於聞見鑒衡之外者乎前志成於明嘉靖間呂紳孟堅先生草創之而筆削於涇野呂太史之手深得史法我

解州全志

卷之十六

本州

藝文

七

朝康熙十一年允修一統志徵書郡國前守陳君士性爰託澗菴馬先生參訂成編上諸

冊府屈指四十餘載板燬無存余感慨久之迺謀於州紳士而采輯焉孝廉介君衡玉發意蒐討而於

當代中凡特恩異數瑞應正符以及醇儒循吏名臣賢媛日新而月盛者靡不備書卽職方建置等數大端爲前志所詳覈者亦能虛心善下不肯輕易一字惟是審其興廢沿革之由窮變通久之故而考厥由來以俟覽者了然心目間而且首列象緯特書學校蓋象緯正則

成象於天卽成形於地可觀而察也學校重則教興於人卽化育乎物可推而行也若夫巖政之利弊不啻愷切言之尤以見解池之鹽所關於

國計民生者匪淺鮮也書成矣余復爲之精搜嚴剔於博綜之中存約取之意務求必文必信而始付剞劂其諸同事者學正程君元善孝廉李君鳳雛明經李君聖友王君崑生庠士張子子常蔡子學山若訂証若參閱若校書要皆與有力焉雖然余於此力絀舉羸不憚拮据之勞以續成其一州五縣之乘詎敢知曰苟善是足亦足哉亦祇期無狹無竄以爲備物垂軌而已後之踵解州全志

卷之十六

木州

藝文

五

事而增華者正未有艾云康熙五十六年九月日

解州志序

介孝璿

州爲名郡而前志漫無可考有明世宗時州先達呂孟堅先生草創略具洎少宗伯呂涇野先生謫判時筆削討論完善成書閱百有五十年而司李馬闕菴先生重修之一作一述前後輝映矣經今四十餘年板燬於祝融時有考圖書於韶郡問舊乘於建康者輒無以應每欲議修而未逮也會今太守粵西陳公履政之三月百

廢俱興雅意文獻而授簡於余余亟謝弗獲遂忘其謏陋次第排纂始事於丙申之仲冬訖事於丁酉之孟夏

凡六閱月而成州志凡十四卷附五縣志八卷共二十  
二卷而解州志復完敘曰志者史之一體也國有史郡  
邑有志說者以體格畧同而亦微有異志星野則史之  
天官志職方則史之地理志建置王侯則本紀世家志  
學校官師則儒林循吏以至食貨藝文之有例禮樂平  
準之有書此其所同者惟是人物一欵則史者有褒而  
有貶志者記善不記惡此其所異者而亦未見其必然  
也今夫閭巷之貞良閨閣之女士一經表章歷世不朽  
觀者色飛聞者心動而紆青拖紫萬首俯趨者無得而  
稱寂寥身後將善者喜於見傳則勇於自立不善者無

解州全志

卷之十六

本州

藝文

五

所記則以愧而懼勸懲之道非近乎史其將安近而惟  
是托之非人則始之以不核繼之以不確終之以不貫  
而更叅之以不公一時不可欺安望其行世而傳後乎  
顧予何人謬膺斯任髫年失學白首無成亦嘗婆婆載  
籍管窺蠡測而知之非艱行之維艱當其經經緯史祭  
魚弗嫌斷碑殘碣摩挲未了一地而古今殊稱一物而  
彼此異號核乎未也平心而察之周咨而訪之剖石而  
得玉事期一真排沙以揀金言擇尤雅確乎未也首尾  
橫決則擊之不動前後抵牾則乖而未融如錢之歸索  
如魚之穿鰓貫乎未也惟是兢兢一念清夜無虧天日

可矢若稍涉私曲將舉其生平而盡棄之何以見鄒魯  
氣節之儒燕趙悲歌之士乎則茲編也聊存典型備遺  
忘應賢侯崇文雅志安能以未核未確未貫之章號史  
之一種以繼二先生後乎若夫有志而未逮願學而庶  
幾者尙欲就正於四方有道仁人且以俟後之君子康  
熙五十六年七月日

解州全志

卷之十六

本州

藝文

三

藝文

帝舜南風歌

南風之薰兮可以解吾民之慍兮南風之時兮可以阜吾民之財兮

條山

唐韓愈

條山蒼河水黃浪波紛紛去松栢在山崗

酬胡十二丈

卽節度使胡証州人

前八

傾朝共羨寵光頻半載遷騰作虎臣戎旆暫看辭祿樹

里門先下敬鄉人橫飛玉蓋家山曉遠蹀金柯塞草春

解州全志

卷之二十七

木州

藝文

一

自笑平生誇膽氣不離文字鬢毛新

留別解縣韓明府

耿漳

閑人州縣厭賤士友朋譏朔雪逢初下秦關獨暮歸寒

茅下原淺殘雪過風微一路何相慰惟君能政稀

條山

宋王禹偁

崛起巨河邊奔騰欲上天遠臨滄海盡高與太行連大

塊橫如脊他山立似拳土膏經舜耒石險任秦鞭洞黑

狂吹雨峰青冷罩烟店荒檀道絕寺古栢梯懸崕漏微

蒞雪巖垂浙瀝泉迸根通砥柱斜徑入閒田北笑恒藏

寶西輕華聳蓮三門遙托跡五老迴差肩落實樵夫拾

靈苗本草傳柱空擊鴈塔倒影蓋漁船繪畫終無手封  
崇必有年鹽池浮翠靄蓮澤媚漪漣陰壑爭龍蟄枯杉  
凍虺穿圖經標數郡神異產羣賢呼壽嵩何謂升中岱  
豈專斯文如已矣此地可終焉暫看猶銷病癩登合得  
仙許昌休自負吾什亦銘鐫

鹽池

有序

前人

鹽池之大古無題者有唐都長安河中爲近輔池實  
屬焉口入奇士遊者多矣還□□□已來亦在千壘  
之內凡所臨蒞率皆儒臣未有一詞以紀勝概天實  
惠我使之補亡淳化四年孟夏禹偁自商洛移於解  
州梁會宗人太常博士王侗且領池事遊覽之際憤然  
成章章三十六句雖不虞於前輩豈敢誣於後生人  
或繼之實自予始

解州全志

卷之十七

本州

藝文

二

極望似江沱漫漫起素波兩池泉下竭千古利還多場  
吏輸年額畦夫奉月課收時車并載種處地先磨磳類  
珠凌亂乾聲玉切磋岸平開雪苑渠滲垆銀河衆鷁齊  
翔舞羣羊自寤訛本源皆瀉鹵異號亦鹹澹沫訝浮鷗  
鷺津疑漫蚌螺煮勞輕渤海煎苦笑牂舸雨打重歸水  
菴盛更覆蓑炎風吹作片烈日曬成塏海味知難及蕃  
青的不過惠人食罔闕均口賦無煩涿鹿城雖近蜚尤

血若何有時紅爛熳是處白髮我潤下終資國靈長在  
蠡哦江梅須待我金鼎始調和

題迎薰閣

張杲之

虛閣勢崢嶸高陵涿鹿城前瞻青嶽巔下闕碧澄泓  
鑿宇隨時去雕甍不日成佳蓮供夏景喬木送秋聲乳燕  
欣雙入飛鴻想萬程風生舜弦古月射庾樓清隱隱分  
行客憧憧憫細氓憑高愁自矢懷遠恨難平賞縱兼兼  
酒吟羞石對瑛炎薰登覽者方愛此佳名

前題

張硯

解慍風來處未薨起舊城條山共偃蹇鹽澤借澄泓龍

解州全志

卷之二十七

本州

藝文

三

廟疑飛出蓮宮若化成亂雲堆素彩遠溜集幽聲逸驥  
騰前路鳴鳶激去程散眸襟抱爽翹首骨毛清歡席多  
嘉客豐郊少困氓鼓琴歌渙澤擊石樂承平鉅筆垂華  
榜高吟刻翠瑛雖無丹蘄構三絕足垂名

條山

元王暉

中條如畫色蒼蒼雨過晴嵐帶夕光望入王官饒水竹  
路經虞阪足耕桑未容巖桂相招隱自笑微官有底忙  
多謝曉風驅暑退笠簷吹作馬頭涼

鹽池

有序

前人

至元癸酉夏五月二十三日奉宣明詔至於解梁得

壁間王黃州所題解池詩序云鹽池之大自唐以來  
凡臨蒞者無一辭以紀勝概觀覽之際憤然成章或  
繼之者實自予始僕切有所感焉因勉賦三詩以附  
驥尾之末庶幾因公而使天下知有惲云

解梁城下解鹽池萬寶騰光奪日輝我欲大觀窮化窟  
乳泉一賦了天機

日融池面爛生紅更有南山障碧空一夜高□渾如洗  
州人說是廣南風

物自分畱付後人暗將風雅欲誰親琨珠在側知形穢  
尙友何妨繼後塵

解州全志

卷之十七

本州

藝文

四

謁解州關廟

火魯忽達

來謁崇寧廟遺容古貌寒奮戈扶漢祚斬將報曹瞞忠  
烈條山並英靈解土安未能併吳魏長使後人歎

鹽池曉望

明王翰

涿鹿城頭分曙色素池如練迥無塵翠屏倒浸山光淨  
銀漢橫鋪月影新五月南風凝雪面四時飛鳥避雲津  
應須靜待調羹手擬共江梅入八珍

桃花洞

邱東魯

避暑從仙子徘徊傍落霞蜻蜓交上下村落間桑麻洞  
古青雲出山深綠樹遮水流空此日杯酒憶桃花

謁解州關廟

湯沐

當時誰得似驍雄  
早識劉公在眼中  
誓死肯教移厚待  
辭婚直欲表孤忠  
糜芳自作開門計  
章武終成鼎足功  
四海只今多廟貌  
英靈還屬舊河東

鹽池

蘇祐

龜疇演潤下龍文  
陳實中煮海聞吳疆  
鑿井稱蜀雄  
瞻茲條山側  
泓水何冲融  
築場豈仲父  
疏渠殊白公  
南風洞宣期  
葳蕤秀瑤瓊  
結斗麗方池  
形虎薦清宮  
權利通四國  
坤靈昭元功  
直廬附周圍  
嚴扃啟中通報  
貺崇神棲千載誰能窮

解州全志

卷之十七

本州藝文

五

早發解州

楊慎

旅宿先鴉起  
歸心與鴈爭  
冰霜殘臘路  
花柳上春城  
隱士嘲西笑  
騷人感北征  
勞心應物理  
奔走愧虛名

謁解州關廟

朱實昌

炎運傾西南  
四方總塵沕  
顛沛借荆州  
蜀川權駐蹕  
吳兒猶附瘞  
魏瞞腹心疾  
蛟龍自騰驤  
能虎誰可匹  
麾蓋萬人中  
顏良已伏鑽  
翻然策馬還  
此心昭白日  
威名震中夏  
計前豈後恤  
鞬臚起阿蒙  
掣肘功未悉  
壯哉義勇祠  
後代尊王秩  
鳴條連桑梓  
雷首共蠟  
崒竭虔已採蘋  
置像欲頌楮  
侯神日在天  
山河爲鬱鬱

重謁武安王廟

初杲

崇寧門外廟祠深  
歧仰遺忠得再臨  
曲徑回廊餘古碣  
夕陽寒木下幽禽  
炎劉祚去空孤憤  
天日書留見此心  
成敗不殊丞相恨  
英雄還爲淚沾襟

靜林寺聯句

翠微深處候高僧 呂柟  
曲曲雲蹤暮共登 初杲  
特岫千

尋畱返照 程鵬  
同心四海共簪朋 呂柟  
山林不謝衣冠

賞 初杲  
詩律誰將花鳥凌 程鵬  
此道飄然塵土外 呂柟

何須回首羨鷗鵬 初杲

桃花洞同涇野子蘓解州三王上舍邱舉人集

解州全志 卷之十七 本州 藝文

六

康海

客至桃花洞  
桃花半已飛  
感時方命駕  
乘興忽忘歸  
引水臨花塢  
看漁坐石磯  
不知人代改  
何事苦依違

同呂子遊桃花洞 前人

自別承明二十年  
春風三向武亭川  
條山更對桃花曲  
何啻華陽修竹篇

絕壁香來花已飛  
背岩雲暗濕羅衣  
知君習靜棲山郡  
笑我尋春却釣磯

謁解州關廟

曹忬

條山翠嶽鍾靈地  
江水逶迤宗漢心  
千古荆門魂不散

三分炎鼎氣先沉  
英風宇宙人皆仰  
血食鄉邦世所欽  
信有神威震華夏  
願憑餘勇掃氛祲

秋日始遊解梁書院懷呂涇野先生

余光

驅車出西門原野秋色暮  
迢迢望孤山陟向暹渠渡  
白楊嘶寒風夾此宮牆路  
遊子懷慕久披拂以亟赴  
入門瞻聖像慰我中心素  
躊躇俯荒池徬徨倚紅樹  
解衣攀薜蘿獨向雲顛駐  
幽巖生紫霞怪石走虬鶩  
巍巍今日山母乃平地布  
輓轆汲井泉曲引山根注  
涓涓昔成流源委時可沂  
汲引功弗停鑑沼復澗澍  
忽然見弋漁恍解州全志  
卷之十七 本州 藝文 七

與西渠遇奇哉西渠子勵志  
搜遠趣觀此山與泉真學  
基已固緬我涇野師繼此  
鳴韶濩青衿萃講堂春風  
滿元圃樸械化已長顛棄  
生時雨鳳凰一高翔百鳥  
咸振羽云胡余子來孤翼  
何所附空堂成寂寥傍舍  
亦欷亞伊威穿敗垣蟋蟀  
泣野露誰能效綢繆補葺  
一如故撫景懷伊人長歎  
不能賦

鹽車行

文翔鳳

鹽井解州大利權阻修只恨  
太行山誰牽代北拳毛錦  
濫厠蹇蹄共阜閑鹽車飛  
軌薄其領半腸縛却追風  
影伯樂下車攀哭之驥亦  
噴鳴爲引頸滿身悉辨五  
花雲

拂拭漉汗赤鬣整試捷先周地一迴繞日三匝漢關開  
庸人止解觀叱壯願君搥碎千金臺

謁關廟

李春光

間氣鍾材傑蒲東迹未塵千秋聞將帥一旅見君臣  
喪亂情偏洽間關力愈陳飛揚辭操日凜烈刺良晨  
大義伸三國雄風敵萬人單刀迴魯肅巨舶困曹仁  
顧盼吳儂匿追奔魏卒淪七軍全喪氣九域漸還淳  
赤面心扶漢蒼髯貌絕倫元勳推虎豹壯業畫麒麟  
雀鼠張牙角蛟龍挫甲鱗章邱虞暴猾臨沮扼器器縛  
禁差踰月誅蒙僅隔旬精靈遊故域盼響遍高旻廟貌  
嚴松栢宮牆解州全志 卷之十七 本州 藝文 八  
肅藻蘋名猶懸日月魄已化星辰婦孺瞻依切生儒歎  
息頻金戈來恍惚鐵冑下逡巡紫霧排仙闥丹青翊帝  
宸峩峩遺碣在今古頌神明

麟經閣題屏

姚誠立

君不見古根喬木樹危顛參差挺出凌雲幹又不見南  
山積石鬱嵯峨天柱嶽寄支霄漢丈夫意氣何峻嶒蹇  
蹇王臣任股肱忽復中原再鹿走追逐疾足紛相仍解  
梁崛起稱慷慨獨瀝丹衷許漢代要同俠烈締盟言重  
建山河敵王愾王師失利客青徐封狐雄虺正黯如艱  
難一朝辭盟主四海爲家憶歸歟羈縻經年若牢落成

言肯淪千金諾曰傾肝膽係綱常密向淵涓伸尺蠖尼  
山大義托麟經卜夜披讎達旦明寧翹明徵堪自衛危  
言可使亂賊驚筆削昭垂在青簡幾見英雄曾着浪潛  
心惟有壯繆侯節義輝煌照玉版力麾艷冶反跽金鯁  
骨錚錚不可侵題成凜烈辭曹刺風霜未許敵陰森隻  
身飄飄豈厭苦岩關歷歷經跋扈斷金回首舊時交猶  
擬風雲聚龍虎追維離別幾經秋妖氣未殲看旄頭寥  
落天涯仍聚首還伸宿誼佐炎劉炎劉英主天王系手  
提太阿矜睥睨蛟龍雲雨正及時收元西蜀還稱帝龍  
戰相尋幾十年漢祚凌夷一線延孤臣執掌終無賴大  
解州全志

卷之二十七

本州

藝文

九

節堅持永弗遷竊取微權寄魯史我公佩服全終始尼  
山經濟仗麟經質是求公公不死誰於故里荆靈宮帶  
河襟山奠位雄繇來大義聯今古遐邇朝宗敬信同焚  
薰跋涉爭瞻仰清醕豐牢薦靈爽碧空懸竚萬年身實  
徹顧賚非想像寵從高閣儷飛翬肅爽金容坐翠微支  
頤數卷供常覽慧眼明燈晃夜輝此義陳時寒姦膽羈  
跡娉娉值坎壈坎壈之中大義明至今忠勇乾坤撼以  
斯建閣繫名麟名義相尋識聖真穆穆落落關夫子慕  
義飯依萬古新

解池環抱中條曲晶晶波澄萬頃玉變化神美夔不同  
泮泘渤海空碌碌薰風一夜自南來瓊樹瑤華次第開  
去年三夏無消息那復中涓釀禍胎我公忠鯁由天賦  
諫疏屢陳明主怒天語如雷闕豎愁從茲不得干離務  
眼看秋色已無多朝夕祈天鬢欲皤脉脉精誠達帝座  
此時天氣轉陽和池神爲答蟄龍起瑞靄青葱波面紫  
須臾凝結滿溝塍白玉明珠未足擬衰收可備數年需  
佳味和羹勝醜酬小如印璽大如斗共道此鹽今世無  
嗚乎山澤通氣良不易條山一帶遭鑿毀精氣宜洩池  
不靈後來國課將奈何惟願朝廷罷宦臣萬民鼓舞輟  
解州全志

卷之十七

本州

藝文

十

吟呻祥符純嘏自天中國脉遙培億萬春鹽之生不生  
奚足論

謁解州關廟

林祖述

吁嗟漢室季白日淪虞淵羣雄競以起四海紛妖躔炎  
劉焰方燼昭烈吹餘燂慷慨赴國難於爍維侯賢肝膽  
出相照金石匪爲堅間關事百戰賈勇鋤諸姦將軍虎  
嘯日先主龍興年大運忽乖迕盡瘁軀乃捐英豪逝千  
載忠赤懸蒼天睠茲桑梓地廟貌何巍然孤松覆碧瓦  
古殿生黃烟丹青肅遺像精爽如猶宣伊余啣命至高  
義嚴周旋椒漿薄言奠稽首當侯前徘徊不能去望望

條山巔

鹽池

朱知鰲

峻嶒雄跨海光樓霽色橫空宿雨收條嶽翠屏拔地出  
巖池瓊液接天流琴彈虞蹟薰風起畚集姚渠爽氣浮  
此境已超塵世外不須截海覓瀛洲

條山

周禮樂

層巒絕巘筆難形谷口樵歌更可聽遠樹雲拖千丈綠  
斷崖天挺一峰青嵐光煖翳芙蓉障黛色晴開翡翠屏  
登覽不知歸騎晚滿襟風露過青冥

姚暹渠

張士茂

解州全志

卷之十七

本州

藝文

十一

水飛空閣掩萬壑匹練疑從九天落怪蜃靈蛟恣俄藏  
瓊珠玉葉紛噴薄騷人渾欲賦觀濤田父相忘滋負郭  
我來覽勝悟化機晝夜如斯雲漠漠

桃花洞

宋廷佐

仙洞緣山麓丹房映赤霞天漿分石髓香飯具胡麻  
磴盤雲上松陰匝地遮臨流增悵望不見有桃花

登書院書樓

王世相

鳥倦誰憐此地幽夜深明月獨當樓孤峰卓地偏關  
流水環山不盡頭白日亂飛黃葉雨青燈分坐紫蘭  
題詩愧我空相憶晚載琴書過解州

春日偕諸友遊五龍峪

范啟科

谷口青春待勝遊登山屐辦故相求  
六池雲破光初拂五老天高翠欲流  
宿雨忽開煙樹色夕陽半掛石門幽  
杯傳野曠情何劇一嘯長銷萬古愁

桃花洞

李昆

桃花杳何許洞口尙餘名老檜穿雲出  
寒泉雜樹鳴天台應在望鳥使豈無情  
獨恨黃花晚空孤九日行

國朝果親王謁解州關廟

英風貫金石壯節植綱常廟食徧天下  
神棲歸故鄉平生一片心皎如赤日光  
當其忠義發直欲凌太行萬古  
解州全志

卷之二十七

本州

藝文

七

春秋志惟公升其堂入廟瞻遺像雲旆儼飛揚

關帝廟

馬淑援

憶昔威儀振洛東高光相望後先空  
將軍虎踞雄江表帝胄龍興跨漢中  
湯沐漫言休故里鬚眉如見動秋風  
吞吳滅魏賫遺恨鞠痺還同諸葛公

靜林寺

前人

一逕尋幽到靜林蒼茫落日木森森  
峰圍爵鳳嵐光窟苔臥龜籠斗色侵  
鳥帶溪雲歸晚岫僧穿樹霧度遙岑  
晚來閣頂趺跏坐鐘磬寒流萬壑音

月夜赴桃花洞

前人

路窄不容車荆榛更未除幽懷人共月孤影自隨尋岸  
石危如虎潭星靜可漁清流徒自賞攬轡欲何如

遊桃花洞

楊愈節

石磴盤紆碧水涯避秦何處訪桃花神龕燈映千秋丹  
仙碣苔橫晚霽霞曲徑草深留鳥跡隔林犬吠有僧家  
欲求靈藥扶衰老遙憶商山芝紫芽

遊桃花洞侯六丈園林

前 人

地賴名賢勝山連野徑深幽禽鳴似籟修竹茂成林谷  
響清彈奕泉聲韻拊琴登臨應有賦留步久哦吟

送馬亦波司李邵武

前 人

解州全志

卷之十七

本州 藝文

三

豪遊不道遠萬里展鴻猷閩粵祥刑日海天宿霧收鼓  
楫清風發濯纓碧水流熙春臺可賀登望寄詩郵

遊將軍堡

前 人

磴曲樵蘇少山深鹿跡重人烟風樹隔草徑石雲封鳥

影回孤嶂泉深咽萬松卜居逢素侶聯手覓仙踪

望中條山

王士正

今朝美風日望見中條山青嶂有時隱白雲隨往還  
飛幽谷裏鳥嘯竹林間欲訪韓終去菖蒲駐好顏

常平關帝廟

介孝孺

舊宅千餘載君侯去不歸英雄輕畫錦田舍薄征衣

墓高槐合遺龕細草霏畫梁雙燕子還似漢時飛  
最愛陳登臥蕭然百尺樓當時天下士羞與里中遊四  
海波濤立三巴組練浮丈夫江漢去桑梓亦千秋  
萬里橋南路千年杜宇悲招魂兄弟在遺墓鬼神疑杉  
落惠陵廟鶯啼丞相祠古今遙望處南北共殘碑

關廟檜栢

高引

喬木參天漢挺然如絕倫孤柯留正氣老幹蘊全真歲  
月同心古風霜大節新向榮回造化奕葉衍長春

鹽池

吳啟元

凌虛憑四望直上海光樓白墮三更月寒生一片秋確

解州全志

卷之十七

本州 藝文

齒

春雲母屑香結水晶毬慮澹無營裏方知世味投  
積氣呈元象陰陽鼓化機只看雲冉冉不見雪霏霏白  
晝虞弦靜青天海鶴歸此間逢伯樂騏驥有光輝

登中條山

吳士燾

疊巘蒼蒼勢蜿蜒俯臨嵯海碧粘天三門浪湧高浮春  
五老排空迥接肩南向仍遠虞夏甸西風不列漢秦年  
况逢雨過微涼後覽眺川原一洒然

龍潭春雨

介孝璿

古洞何年開靈源浸石穴潭深閉不流雨細垂危咽三

島憶成仙一犁時應節境幽人罕窺終古自清澈

稍池烟柳

前人

湖光潏灑明一葉恣獨逞岸疊春山色波翻官柳影鶯聲佐酒盃晚唱識漁艇快意信夷猶波心月已耿

橫嶺分雲

前人

中條一嶺橫竦立分雲內疑從巨靈掌劈開突兀態重  
重虎豹姿片片蛟龍隊大地願成霖障空勿作礙

石巖噴雪

前人

六花片片飛翻自層崖上山月照還空海鷗浴一狀移  
時神骨清當暑煩翬喪信可結茅亭豈徒暫欲傍

解州全志

卷之十七

本州

藝文

五

峨眉繞翠

前人

峩嵒翠欲流乃在有無際逼視已成空回頭渺未逝蜃  
樓仿像識海市空濛閉真幻有何常達觀自一側

靜林晚照

前人

高峰網夕陽古刹餘殘照鳥外孤烟飛龕中白業妙暮  
鐘已亂鳴紅葉還添燒漠漠未須愁東林光已耀

仙洞桃花

前人

武陵千載來無復問津客不道洞中妍流成溪外碧巖  
冬似後凋塵世那爭席試叩桃源人何由似曩昔

漢宮檜柏

前人

古栢虬龍形榮枯吁可怪千載飽風霜一枝存耿介炎  
精有歇絕神物無摧敗故老識遺踪時時猶下拜

登王官最高處秋望

附

介孝瑞

祠外高樓日影斜秋鴻飛盡見天涯王官亦是論兵地  
父老誰傳賣酒家萬嶂烟霜全晉樹千年風雨晚唐花  
黃河只在諸峰下烽火難尋海上槎

五龍峪觀瀑布

江 闈

攀躋投玉峽忽漫啟晶宮渾沌一朝闢滄溟萬里通雷  
收山自吼雪淨絕都空嗚咽噴頑石翻騰作白虹

寄懷本郡彭冕麓太尊

介錫周

解州全志

卷之十七

本州

藝文

六

閩海文章天下名上林花發早蜚英宓琴昔譜傳雙鳥  
廉袴今歌徧五城酒載華堂春正麗夢回荒徼雪初晴  
牂牁疆外頻翹首嵯海卿雲入

帝京

文筆峰二首

介錫周

條山絕頂接蒼穹矗立孤峰氣鬱葱在昔荒坡叢薈蔚  
乃今秀嶺仰磨礱人工能奪天工巧教澤還憑地澤通  
賢侯崇文標筆岫譽髦脫穎出囊中

是科州屬雋八人

崢嶸一柱筆如椽巨筆凌雲五色天旭日始升霞彩媚  
夕虹返照霽光妍江花有夢添才思湘管書空接古烟

學道當年推雅化  
弦歌今日紹薪傳

題石刻結義圖

圖在園內

言如泗

此地鍾神武  
遺踪想像間  
一盟存漢鼎  
片石永條山

州守言公重興解梁書院却寄

介玉濤

憶昔聯鑣住鳳城  
青槐高映一燈檠  
京華歲月關心去  
梓里風光照眼明  
花發中條思共艷  
泉流渤海筆含清  
由來學道宣文治  
問字亭邊仰化成

文筆峰

前人

飛來雲外接蒼穹  
詎比江毫錫夢中  
藻彩直連奎璧舍  
文光還射斗珠宮  
巖池蘸影酣朝露  
谷嶺生花曳晚虹  
解州全志

卷之十七

本州

藝文

七

峯崒條山佳氣滿  
遙將枯管繪春風

贈解州守言君素園

孫 諤

圓橋先後憶芳塵  
蒲解分符接德隣  
學道依然遵聖訓  
弦歌今喜廣傳薪  
操嚴霜雪水壺潔  
氣協陽和玉律春  
千古淵源家學在  
牛刀一笑發硯新

雷別言素園刺史

姚汝金

文學兼乎政羣推南國  
言讀書能識體爲治務  
澄源鄂

伯心知久虞庠口頌喧

起家教習剛烈鄂公特薦

駿程馳坦坦鴻羽

舉軒軒階下玉爲樹  
堂前金作護  
德豐酬必厚  
宦久望

彌曾公論都無憾  
私情亦弗諉  
師門存歿賴  
友道始終

國朝果親王指繪關帝像讚

墨蹟寶藏廟中

春秋大義炳如日星心無愧怍義斯昭明巍巍夫子華  
嶽英靈浩氣充塞方寸精瑩宜乎百世樽俎常馨繪此  
儀容仰止丹誠

前將軍漢壽亭侯贊

明 王世貞

嗚呼故主之誼表於奔袁討賊之忠見於許田樊城一  
師炎燼幾然前無衡操後有伏權天耶人耶公則奚愆  
精誠所鬱金石失堅川停嶽摧風車電鞭君臣大綱如  
日行天我懷威神頌公萬年嗚呼篡漢者瞞也成瞞篡  
者權也瞞名漢臣也實漢賊也權陽瞞敵也陰瞞翼也

解州全志

卷之十七

本州

藝文

大

公批吭於前而不虞姦於掖七軍甫淦六師遂厄使衆  
安之恨不在許昌而在公安建興之師不出樊城而出  
祁山安樂之戕與歸命之璧而相後先惜哉雖然不以  
間關而廢兄弟不以離亂而廢君臣其峙如者山嶽澄  
如者川流而炳如者日月星辰嗚呼此其所以亘萬古  
而猶如神也耶

關聖像贊

國朝 辛 全

予祖遺關聖讀麟經圖一軸年久蝕剝命工新之將擬  
爲贊或曰英風凜凜正氣堂堂全曰此足狀其貌延四  
百年之統緒振千萬禩之綱常全曰此足頌其功皎潔

解州全志卷之十八

木州

雜志

黃帝問風后曰余欲知河之始開風后曰河凡有五皆

始開乎崑崙之墟

通志

解縣裴俠年七歲猶不能言後於洛城見羣鳥蔽天從

西來舉手指之而言遂識聰明有異常見

世說

柳遐少時世父司空慶遠特器異之謂遐曰吾昔逮事

伯父太尉公常謂我云我昨夢汝登一樓甚峻麗吾

以坐席與汝汝後名宦必達恨吾不及見耳吾向聊

復晝寢又夢將昔時坐席還以賜汝汝之官位當復

解州全志

卷之十八

本州

雜志

一

及吾特宜勉勵以應嘉祥也

北周書

柳元景少貧嘗下都至大雷日暮寒甚岸側一老父自

稱善相謂之曰君方大富貴位至三公元景以為戲

之曰人生免饑寒幸甚豈望富貴老父曰後當相憶

及貴求之不知所在

南史

柳惲賦詩未就以筆捶琴坐客過以筋扣之惲驚其韻

哀乃製為雅音後傳擊琴自此又惲嘗與瑯琊王瞻

博射嫌其皮潤乃摘梅帖烏珠子上發必命中觀者

驚駭

南史

胡證尚書拜振武軍節度使有詩曰詩書入京國旌旆

過鄉關州里榮之證質狀魁偉膂力絕人少與裴晉  
公度同年公嘗狎遊爲兩軍力士十許輩凌轢勢甚  
危窘潛遣一介求救於胡胡衣皂貂金帶突門而入  
諸力士睨之失色胡一飲數升取鐵燈臺摘去枝葉  
而合其跗背橫置膝上謂衆人曰凡三鍾飲滿一遍  
三臺酒須盡不得有滴瀝犯令者一鐵躋胡復一舉  
三鍾羣惡皆叩頭乞命呼爲神人胡曰鼠輩敢爾叱  
之令去

因話錄

柳公權爲宏文館學士嘗夜召對燭窮而語未盡宮人

以蠟液濡紙繼之又舊唐書文宗召與聯句上曰人

解州全志

卷之十八

本州

雜志

二

皆苦炎熱我愛夏日長公權屬曰薰風自南來殿閣  
生微涼上諷詠良久命題於壁字徑五寸上歎曰鍾  
王無以過也

嘉話錄

柳公綽有家法諸子仲郢皆束帶定省於中門之外公

綽卒事公權如父每見未嘗不束帶爲京兆尹時遇

公權必下馬端笏立公權暮歸必束帶迎侍公權屢

以爲言仲郢終不以官達少改

蘇氏家言

河東裴琰之作同州司戶年纔弱冠但以行樂爲事略

不爲案牘刺史讓之琰之出謂其佐曰文案幾何對

曰二百餘琰之曰有何多如此逼人命每案後連紙

十張仍命五六人以供研墨點筆左右勉唯而已琰之聽語主案者略言事意倚柱而斷之詞理縱橫文華燦爛手不停綴落紙如飛觀者如堵驚歎不已史

臺記

宋柳開仲塗赴舉時宿驛中夜聞婦人私哭其聲婉而哀曉詢之乃同驛臨淮令之女令在任恣貪墨爲僕所持逼其女爲室柳知之怒曰願假此僕一見僕至柳室叱問曰媵主人女爲婦是汝耶卽奮匕首殺之

通志

明洪武時州中常平里下馮村有子保兒者娶本村汪

解州全志

卷之十八

木州 雜志

三

氏女甫三日而戍南海汪氏家居紡績孝事舅媼每飯輒留米一匙積至月朔市香紙謁武安王廟以乞

夫回久之歲在丁卯三月二十三日時保兒在彼爲

總戎牧昏暮時王謂保兒曰汝思家否泣而告曰僕

離鄉萬里而瀚海隔絕何以能到王曰吾亦解人寓

官於此今西還當偕行遂帶於馬後瞬息間墜於下

馮村之東壟遍體沾濡及旦叩諸耕者始知至家見

父母與妻相持而哭備道回家之由乃知王神力之

佑汪氏至誠所感伍中隨報逃卽保兒還家之明日

也事聞遂蠲厥役 國朝乾隆癸未知州言如泗修

理常平聖廟旁庫屋內有塑像一尊詢之土人不知其由第云相傳關聖真像及移像見壁後大書子保兒回家後敬塑南海所見聖容面瘦長而白眉目與大廟石刻彷彿云

李僉憲希樞歸田時年七旬矣天性樂易爲德於鄉丁酉歲元孫皖生戚友爭持羊酒登堂賀公鬚眉皓白衣冠甚偉扶杖出迎子國學生燉孫茂才仙品以次起曾孫商水令興高甫冠餘罄折隨其後觀者歎美以爲太邱朗陵遺風復見故壽公者有三仕百工範一堂五世人之句

舊志

解州全志

卷之十八

本州

雜志

四

趙尙書欽湯致政歸里恭謹古朴無與比冢君罔卿標以侍御出使秦藩過里觀省欲以紵絲製中衣心竊非之不欲傷其意第遣人謂曰紵絲而製中衣固當幸有零餘爲我製一燕冠侍御竦然謝過

舊志

侯州判吟家居長子侍御居良四子少卿居坤同捷嘉靖辛酉鄉試越一科乙丑又聯登南宮時孫少卿維清公倩也亦同榜泥金報至先出少卿帖子橫索賞錢公笑曰兄弟同往而弟獨捷雖喜亦是欠事報者遠曰是何難第患賞未優耳若再賞金卽當再送一

甲榜公大詫異如數給之乃出侍御帖甫喜間旋有

扼腕歎息聲自房達戶乃公女孫少卿配也報者廉知狀云急語夫人勿怏怏若如前金左手來卽甲榜右手至矣公怪甚如其言而孫少卿帖亦隨取懸堂前一時闕然傳爲盛事

舊志

介民部夢龍爲刑部屬時白蓮教以妖術惑衆聚黨百餘人廷議發兵殲之公獨默然或問之對曰愚見與衆異今按籍雖衆而首謀者十八人耳分道捕之固緩不及事脫盡誅事必變卽幸不變而枉死者固已十五六不如卽夜捕首惡誅之餘黨赦不問如此則無頭難行而又人人得生路可不煩兵而自解矣尙

解州全志

卷之十八

本州

雜志

五

書善之如其言止誅首惡餘黨悉散

舊志

康熙四十二年壬午四月二日巳刻關聖廟災越數日有鶴至麻黃色高三尺餘長喙而高距不知所從來棲於殿前人撫之不驚雜啖以飲食弗受徘徊往來若有悽愴意久之益與人狎稍食高粱飲清水而已或飛或鳴鳴聲嘹亮四徹不離廟左右夜還宿兩廊間如是者七晝夜是時州守王柱國以公事他出會將歸僉謀籠之以待人甫前突然而飛直上冲天沒

於雲際

舊志

喬良棟下張村人少孤孝事孀母一門三世皆登上壽

棟年百餘歲長子毓才年八十四次子毓秀年八一  
一三子毓英年九十八孫永椿年九十五成椿年八  
十三億椿年八十九啟椿年八十七寧椿年八十四  
祥椿年八十二桐椿年七十五升椿年七十九蒼顏  
白髮聚順一堂稱全社焉

文昌祠舊在州城東南隅歲久圯康熙庚子迄己酉脫  
科者四壬子重建甃以甃視昔加固是科雋二人乾  
隆己卯庚辰脫科者再二十七年州守言如泗增築  
三層改爲閣是科中式八人遠近傳爲盛事

解州全志

卷之十八

本州

雜志

六

重修常平里關聖廟後殿記

胡龍光

常平廟帝故宅也寢宮之後為殿三楹蓋以崇祀其先  
者乾隆壬午前守言公如泗始作新之有司春秋展墓  
後爰祭於斯焉余於嘉慶乙卯春應祀之辰晨起假寐  
夢至一宮殿殿西偏一龕高可五尺許有神綠袍金鎧  
如世所傳聖像者徐而下則偉丈夫衣冠閒雅異向時  
貌清癯長面高權髯飄飄然疏且秀余疾趨前肅然旁  
立神曰來乎敬對曰有祀事神領焉若謝意行出户余  
謹隨至門反顧曰復須臾有待耶遂行余亦寤是日詣  
廟禮畢余周覽殿旁見碑記則言公始建後殿所立也

解州全志

卷之十八

七

讀其文則以感夢為緣起恍然觸於余夢怛怛而心  
動茫茫焉而未得其指也行至殿後則墻裂縫罅潤寸  
許墮然欲圮矣噫嘻有是哉趣召匠程工即日揀築而  
觀察使金筠庄先生亟捐俸相助始歲事焉夫以先聖  
精爽所式憑脩廢舉墜固守土之責然忽不及察則後  
時矣藉非余夢而又觸於言公之夢數日而墻必壞墻  
壞而殿內之主皆有覆壓之虞雖修不已遲乎乃言公  
之初創感於夢也余之重葺亦感於夢也數十年而若  
合符節聖帝在天之靈惓惓於祖若考者固若是其日  
鑒在茲也考何如哉孝何如哉吾願後之君子共凜斯

意而時維防護無忽焉謹記其顛末而泐之石

重修文廟記

前人

解擬中條之麓其自筆架峯而下風鬱雲蟠滙為州治而文廟在治東南櫺門洞闕敞接山光蜿蜒清淑之氣於是乎萃而蔚為人文也余於歲己酉來守是州所以敷宣德教體

國家廣學右文之意凜凜乎毋敢失隆迄歲乙卯迺召紳士者民而謂之曰學宮之頽圯剝缺久矣牧守日以為念而不遽與工作者所以重勞吾民也今雨暘時若年穀順成而宮墻之地椽桶頽然甚非所以安安神居解州全志卷之十八八

尊崇體制余忝然滋懼焉將捐廉為士民倡而擇其能事者數人董之吏胥不與焉僉曰願甚於是發簿勸捐鳩工庀材凡腐折破壞者丹堊圻鏝之弗飾者新之弊漏者傾墮者完葺而莫定之偉壯閎麗煥乎改觀工始竣而戊午科馬生鍾宛袞然舉解首趙生冬旦張生雲喬同獲雋庚申科李生光斗董生履端劉生天炎辛酉科馬生履恭喬生世哲陳生豫中相繼報捷於是州之士民咸相率為余慶以是役之能振文風為有功於斯土者余曰噫未也夫學校者

朝廷育材之地所以隆教澤而正風化也即如今日之

後剪草茅除礪塊猶之進德而修業也撤朽敗易堅完  
猶之明體而達用也於是赫赫焉燁燁焉猶禮樂之明  
備業業焉輾轍焉猶功業之崇高也願吾士民觀斯宮  
之壯麗念古聖之在茲文教行而賢材成禮讓起而風  
俗美彬彬乎與三代比隆焉夫豈科目一端遂足盡  
聖天子立學之盛心哉諸生當勉其難者勿以窮達易  
其操勿以得失撓其志是則聖賢之大業而余之所厚  
望也已是役也作始於乙卯二月訖工於戊午三月余  
樂士民之踴躍從事而聿觀厥成也爰伐貞珉用告來  
哲而泐其董理諸君子並捐輸姓氏於碑陰是為記

解州全志

卷之十八

十二祈十二應碑文

乾隆五十八年敬獻

龍王廟額曰五祈五應自嘉慶元年至六年又七祈七應其得雨月日有禮房所存歷年祈雨牒文並報雨分寸粘用排單可以稽考凡設壇以至得雨從無過五日之期者諸同寅紳耆相隨步禱共見共聞此皆仰荷

神庥甘膏屢沛十載以來有求必應每逢謝

降之辰觀者夾道無不歡聲雷動龍光薰沐熱香益

深兢恪於嘉慶六年壯月拜手稽首統鐫歲月於

解州全志

卷之十八

十

石謹誌

靈祝云

乾隆五十五年六月二十三日設壇二十四日得

雨四寸

乾隆五十六年七月初六日設壇初九日得雨五

寸

乾隆五十七年四月二十日設壇二十三日得雨

二十五日深透

乾隆五十八年二月二十二日設壇二十三日得

雨四寸

六月初五日設壇初七日得雨三寸

乾隆五十九年六月初七日設壇初十日得雨十

五日深透

嘉慶元年七月十二日設壇十三日得雨十八日

深透

嘉慶二年五月二十二日設壇二十七日得雨二

十八日深透

嘉慶三年三月十五日設壇十八日得雨十九日

深透

七月初十日設壇十二日得雨四寸

解州全志

卷之十八

十一

嘉慶六年三月二十日設壇二十二日得雨二十

六日深透

五月二十七日設壇三十日得雨六月初一日

深透

嘉慶六年歲次辛酉八月穀旦

知解州事中州胡龍光薰沐敬書

十二祈十二應嘉慶六年已鐫石誌之茲嘉慶七

年七月又旱於十三日設壇十七日得雨三寸

附記於後

